

بِسْمِ اللَّهِ الرَّحْمَنِ الرَّحِيمِ

الحمد لله الذي انزل القرآن و اوجب القربان على حر مسلم مقيم قادر بقدره الامكان من غير فرق بين الشيوخ والشبان والذكرا والنسوان ليركبوا عليه يوم الحشر والميزان والصلاة والسلام على سيد ولد عدنان الذي اصله ونسله النبيحان رسولنا محمد صاحب البيان والبرهان وعلى آله واصحابه الذين بذلوا في طاعته الاموال والمهج والابدان .

معلوم اوله كه حوايج اصلية ضرورية وديون بشريه دن فضله نصاب شرعي به مالك اولان هر بر مؤمن مكلف ومؤمنة مكلفه به سنه ده بر كره قربان بيرامي كونلرندن ايام نحر دنيلن ذى الحجة شريفه نك اوننجي اون برنجي اون ايكنجي كونلرندن برنده قربان كسمك صورتيله جناب رب العزة حضرت تليينه تقرب ايتكم اصح روايته واجب وبوجيبه بي اداده ذبح اولنان حيوانك وذبح ايدن كيمسه نك احوالنه متعلق نيجه مسائل شرعية نك بيلنمسي لازم ولازب وبومسائلي بيلميه رك جهل وعمى اوزره قربان ذبح ايدنلر خطرده بولنه جقلى وبوحالده بودرلو كيمسه لر (ليلا حاطب) كى اوله جقلى واضح ولاحب اولديغندن قسطه ونيده ارباب تدريس ومذاكره به ذيل ونقطة اخير بوفقيير برتقصير صاحب ذهن كليل محمد خلوصى الشهير باوليا بن يحيى (المحتاجان الى المولى الجليل) اخوان دينه بر خدمت ووسيلة عفو ومغفرت اولمق نيت خيريه سيله كتب فقهيه معتبره دن مسائل مذكوره نك امومهم اولانلرني جمع والتقاط وتعميم نفى ايچون (لسان عذب البيان) تركى ايله ترجمه وتعبيرى طريقته سلوك ايله احتياط ايدرك (بعناية الله تعالى) مستجمع اولان امهات ومهمات

مسائلك طبع وتمثيل ونشريله مقصود بعد عاجز حاصل اولمش ايدى . سايه معارفوايه ملوكانه لرى ممالك محروسه شاهانه لر ينك هر جهتي دارالمعارف دينامكه شاين برحاله ايصال ايتمش اولان پادشاه ديانت پرور وشهريار عدالت كستر السلطان ابن السلطان السلطان الغازى (عبد الحميد) خان ثاني « خلد الله سرادق سلطنته مادام السبع المثاني » افندمن حضرت تليينك عصر معاليحصر هايونلر ننده نسخه اصليه سنه برچوق مسائل مهمه لازمه علاوه واكثر عباراتنك توضيحيله تكرر طبعنه مباشرت ايدلدى . ومن الله التوفيق الى احسن الطريق وهو خير الرفيق

بيان الاضحية

اضحية: لغته ابتداء ضحى وقتي ذبح اولنان حيوانه دينلدى صكره (ايام نحر) ده يعنى ذى الحجة شريفه نك اوننجي اون برنجي اون ايكنجي كونلريله اون برنجي اون ايكنجي كيجه لرى ايچنده ذبح اولنان حيوانه دينلدى . شريعتده: عبادت وقربت نيتيله بش نوع حيواندن يعنى قيون، كچى، صغير، جاموس، دوه دن اوقات مذكوره ده ذبح اولنان حيوانه دينلمشدر .

احكام قربان

اصح اولان مذهب پا كمزده قربان واجيدر واقوالك ايچنده مفتابه اولان بودر لكن عملاً واجيدر اعتقاداً جزماً واجب دكلدر يعنى اصلى انكار ايدرك شريعتده قربان وصلاة وترو صدقة فطريو قدر دين كيمسه (نعوذ بالله) كافر اولور . لكن ذاتى اقرار وجوبى انكار ايلسه يعنى شريعتمزده بونلر واردر اما واجب دكلدر ديسه كافر اولماز كنهكار اولور (رد المختار، اشباه وغيرها) وقربانك وجوبى صدقة فطرك وجوبى قدر اكمل دكلدر .

زيرا قربان واجب اولمسي اختلافيدر . امام ابى يوسف حضرت تليينه كوره سنتدر ديديلر و (طحاوى) امامين عندنده [۱] سنت مؤكده (وابن زياد) ك [۱] اماميندن مراد امام محمد ايله امام ابى يوسف رحمهما الله حضرت تلييدر .

ابو حنیفه دن (وابن رستم) ك امام محمد دن روایتلرنده فرض اولدیغنی وفقهادر
تطوع و مستحب اولدیغنه قائللر بولندیغنی بیان ایتمشدر . (درر، قاضیخان)
ایشته قربانك وجوبی اختلافی اولدیغندن برکیمسه اوزرنده زکاة و حج و صدقه
فطر و كفارت یمین و قربان بورجی واریکن و فاتی یقین اولوب ثلث مالندن بونلرك
تادیه سنی و صیت ایلسه ثلث مالی كفایت ایدرسه جمله سنی ادا ایتك لازم اولور .
ثلث مالی و فاتیتمزسه زکاتندن بدأ اولوب اولجه زکاتی صکره حیی صکره صدقه فطره سی
و بوندن صکره كفارت یمینی و اك صکره مالی قالورسه قربانی ادا اولور . (سراجیه)
اولجه بیان اولندیغنی و جهله (تضحیه) یعنی (ایام نحر) ده قان آقیمق
قدرت ممکنه بولندیغنده اصح اولان امام اعظم و محمد (رحمهما الله تعالی)
حضر تلمینه کوره واجبدر .

زیرا حدیث شریفده « مَنْ وَجَدَ سَعَةً فَلَمْ يُضَحِّ فَلَا يَقْرُبَنَّ مُصَلَّائَنَا »

بیورلمشدر . معنای شریفی برکیمسه قربان کسمکه قدرتی اولورده قربان
کسمزسه اول کیمسه البته بزم مسجد مزه یعنی بزه یقین اولماز دیمکدر .
دیگر حدیث شریفده شفاعتمزه نائل اولماز بیورلمشدر .

بو قدرت محض شرطدر . زیرا اصل تکلیف آنك اوزرینه توقف ایدر بر کره
قدرت موجود اولدیغنی کی قدرتك یعنی نصابك دوامی شرط دکلددر . مجرد
فعاله قادر اولمقدن عبارت بر شرط اولدیغندن و جوبنك بقاسی ایچون قدرتك
بقاسی شرط اولمدی .

ایمدی قربان قدرت ممکنه ایله واجب اولدیغندن زنکیان اولان کیمسه لر واجب
اولان قانی (ایام نحر) ده آقیمیوب وقتنی کچیرسه لر قربانك قیمتی تصدق
ایتملری لازم کلور . لیکن فقیرلر و نذر ایدن کیمسه لر آلدقلری قربانی ایام
مخصوصه سنده کسمیوب وقتنی کچیرسه لر قیمتی تصدق جائز اولمایوب (ذات
قربانی) یعنی عیناً حیوانی تصدق واجب اولور .

هر بر مکلف و مکلفیه بیلمسی لازمدر که عبادت و قربت مالیه ایکی نوعدر

بری تمليك طریقله اداء اولنور فقرایه ویریلن صدقه لر کی . دیگری اتلاف
طریقله اداء اولنور . کوله و جاریه سنی آزاد ایتك کی .

اضحیه ده بو ایکی معنامو جوددر . زیرا حیوان کسیلوب قان آقیملدقه اتلاف
ایله عبادت حاصل اولور و در یسنده تصرف ایله تمليك و اباحه بولنور . صدقه
فطر ایله قربان مکلفك ذمتنه و شخصنه تعلق ایلدیکندن بونلر واجب اولدقدن
صکره مال هلاك اولسه عمری ایچنده ادا ایتدکجه ساقط اولماز یا قیمتلرینی و یا
عینلرینی تصدق واجب اولور . زیرا قدرت ممکنه ایله واجب اولان شینك حال
و شانی بویله در . حج دخی بوقیلدندر . زکات بونلرك خلافنده در . یعنی زکات
(قدرت میسر) ایله واجب اولدیغندن مال هلاك اولدیغنی کی و جوب ساقط اولور .
و قربان اصح اولان و جوبنك شرائطی کندیلرنده بولنان کیمسه لره آنحق
کندی نفسلری ایچون واجب اولور . زنکیان اولمیان کوچك چوجنی ایچون
پدرینه ، کوله و جاریه سی ایچون افندیسنه قربان کسمك واجب اولماز بلکه پدری
چوجنی ایچون افندیسی کوله و جاریه سی ایچون قربان کسیرمك مستحبدر .
(قاضیخان و غیرها)

امام حسن روایتنده چوجغندن و وفات ایدن اوغلی و یا قیزینك چوجقلرندن
قربان کسیرمك واجبدر . (ابن مابین)

وصینك کندی مالندن قربان لازم اولمسنده اختلاف واردر . قربان ماله تعلق
ایتدیکندن زنکیان اولان صبی به قربان لازم کلسی راجح و احتیاطلیدر .

(صاحب هدایه) زنکیان اولان صبی به قربان لازم اولدیغنه و (در مختار)
و (کافی) اولدیغنه قائللردر .

✽ قربان واجب اولمسنك شرطلری ✽

كرك اركك و كرك خاتون (ایام نحر) ك آخر وقتنده مسلم اولمق مقیم اولمق حر
اولمق و کندیسنه صدقه فطر واجب اوله حق درجه ده زنکیان اولمقدن بوشر طلر
کندیلرنده بولنان هر بر مسلمانانه اصح اولان آنحق کندی نفسی ایچون سنه ده

قدرت ممکنه
فقرایه
صدقه
فطر
قربان
ایام نحر
کیمسه
کسمیوب
وقتنی
کچیرسه
لر
قربانك
قیمتی
تصدق
ایتملری
لازم
کلور
لیکن
فقیرلر
و نذر
ایدن
کیمسه
لر
آلدقلری
قربانی
ایام
مخصوصه
سنده
کسمیوب
وقتنی
کچیرسه
لر
قیمتی
تصدق
جائز
اولمایوب
(ذات
قربانی)
یعنی
عیناً
حیوانی
تصدق
واجب
اولور
هر
بر
مکلف
و
مکلفیه
بیلمسی
لازمدر
که
عبادت
و
قربت
مالیه
ایکی
نوعدر

بر آره اوقات مخصوصه سی ایچنده قربان کسمک واجب اولور .

م . افره قربان واجب اولماز زیرا حضرت علی (رضی الله عنه) افندمن
(اِنَّ عَلَى الْمَسَافِرِ جُمُعَةً وَلَا أُضْحِيَّةَ) بیورمشلردر . یعنی مسافر اوزرینه
جمعه نازی و قربان واجب اولماز دیمکدر .

ا . کر مسافر نافله اوله رق قربان ایدرسه جائز اولور . واکر مقیم
ایکن آوب صکره سفره کیتک مراد ایلسه وقتک آخرندن اول یعنی اوزرینه
واجب اولمادن کیدرسه زنکین ایسه صائمسی جائز اولور . فقیر ایسه صائمقی
جائز . لماز آلمق سبیلله اوزرینه واجب اولدی بیوردیلر . (ردالمحتار)

امام اعظم و ابو یوسف حضرتلرینه کوره قربانک واجب اولمسنده عقل
و بلوغ شرط دکادر . مجنونک و صبیکنک ماللارندن بابالری یا خود و صیلری
قربان ایدیوروب صبی به و مجنونه یدیرلر باقی قلالی بونلر ایچون عینیه
انتفاع اولنان بر شیئه تبدیل ایدرلر . لیکن امام محمد کوره بلوغ و عقل شرطدر
حتی صبیکنک مالندن کسمسملر اوده مک لازم کلور . (ابن عابدین)

کلف اولان چوجغندن و خاتوندن اذنسر قربان کسویرمک جائز
اولماز (قاضیخان) لیکن امام ابو یوسف استحساناً بونلر ایچون اذنسر جائز
اولور بیوردی . (ردالمحتار)

• نوه و مجنون جمیع احکامده صبی کیدر . (هندیه)

قربانک رکفی : ذبحی جائز اولان حیوانی کسمکدر و حکمی عالم دنیاده
عهد و اجبدن چیقماق و عالم عقباه نیت صحیحیه مقارن اولدیغی حالده
جاب اللهک فضل و احسانیه ثوابه نائل و واصل اولمقدر .

﴿ قربان نصابی ﴾

قربان نصابی : صدقه فطر واجب اوله حق قدر ماله مالک اولمقدر . مالک اولدیغی
مالک کوة نصابنده اولدیغی کبی آلیش و یریش ایله آرتیه بیله جک مال اولمسی
شرط دکادر .

وزکوة کبی ماله مالک اولدیغندن صکره اوزرندن برسنه کچمک لازم دتاندور .
بلکه قربان کسمکه مخصوص اولان کونلرک آخرنده زنکین اولسه در حال
قربان کسمک واجب اولور . نصابه مالک اولمیانلره واجب اولماز . (قاضیخان)
حواج اصلیه ضروریه یعنی ساکن اوله جفی اوی و اوینک مقدار کافی
اشیایی و ینه جکی حیوانی و قوللان جفی سلاحی و خدمتنه مخصوص اولان
کوله و جاریه سی و کیه جکی اوچ درلو البسه یعنی ایش البسه سی و عادتاکه یکی .
البسه و جمعه و بایرام کونلرینه مخصوص البسه سی و کندینک و نفقه سی
کندی اوزرینه واجب اولانلرک [١] برسنه ک نفقه لرندن فضله اوله رق ایچون
درهم کوش و یا خود یکر می مثقال [٢] آلتون و یا بونلرک برینک قیمتته مالک اولان
کیمسه لره سنه ده بر کره ایام نحر دینلن کونلردن برنده قربان کسمک واجب اولور .
علمانک برنوعندن ایکیدن زیاده کتابلری و خاتونلرک مهر معجلاری
و قوجه سی زنکین اولانلرک مهر مؤجلاری دخی نصابده معتبردر . (جوهره)
باغ و باغچه و چفتلک و سائر املاکده بعض علمانصابی قیمت اصلیه نندن
و بعضیلری ایجارندن اعتبار ایلدیلر . (هندیه)

[١] بر کیمسه اوزرینه غیرک نفقه سی واجب اولق اوچ سبیدن برله اولور .
برنجیسی : زوجیتدر زیرا زوجنه ک نفقه سی هر حالده زوجی اوزرینه واجب اولور ،
ایکمنجیسی : قرابتدر بابا اوزرینه قزلرینک و کسبدن طاجر و فقیر اولان بیوک
اوغللرینک و فقیر اولان کوچک اوغللرینک نفقه سی واجب اولور و زنکین اولان
اوغللره و قزلره بابالرینک و آنالرینک و سائر اصوللرینک نفقه لری واجب اولور
و فقیر و کسبدن طاجر اولان هر بر ذی رحم محرمک نفقه لری حکم حاکمه یا خودر لریله
کندیلرینه اصابت ایده جک میراث مقدارده وارثلری اوزرینه واجب اولور .
اوچنجیسی : ملکدر افندی به کوله و جاریه سنک نفقه سی واجب اولور .

[٢] بر مثقال یوز آربه آغیری دیمکدر . آلتونک اوسط عیاری اعتبار اولمده
هر مثقال آلتمش غروش ایدر اوسط آربه دن یکر می مثقال آلتونک قیمت (١٢٠٠)
غروش ایدر بومقدار آلتون نصابی اولور . کوشک درهمی وقت وزمان کوره
حساب ایدیلوب (٢٠٠) درهمک قیمتته طوتارسه اول مقدار کوش نصابی اولور .

نصابك بو مختصرده تفصیلاً ذكرى ممكن اوله ميه جغندن بو قدرله اکتفا ایدلدی . تفصیلات آرزو ایدن اخوانك مطولاته مراجعتلری توصیه اولنور .

﴿ قربان ایديله جك حيوان ﴾

زنکین اولان کیمسه لر اصح اولان آنجق حیوان مخصوصی کسمکه قربانی ادا ایدر وقت ایچنده قربانی کسمیوب قیمتی تصدق ایتسه لر ادا ایتیش اولمازلر . (وحدتی)

قربان کسیلوب قانی آقیدلدقده تلف اولسه دخی وجوب ساقط اولور . تکرار کسمك لازم اولماز . (هندیه)

فقیر اولان کیمسه نك قربان نیتيله خروس و طاووق کسمه سی مجوسی فعلی اولدیغندن مکروهدر . (هندیه)

﴿ قربانه مخصوص اولان حيوان ﴾

قربانه مخصوص اولان حیوان قیون ، کچی ، صیغر ، جاموس ، دوه در . قیون کچی بریاشنده صیغر و جاموس ایکی یاشنده ، دوه بش یاشنده قربان اولور . لیکن قوزی بیوک اولوب آرقه سندن باقیلدقده بر سنه لك قیوندن فرق اولمازسه آلتی آبی تمام ایدنجه اتفاقاً قربان اولور . بعض فقها آلتی آبی تمام ایدن قوزی هر حالده یعنی کوچك اولسون بیوک اولسون قربان اولور بیوردیلر . (وحدتی) (صاحب نهره) کوره کچی اوغلاغی قوزی کیدر . لیکن (قهستانیده) بوایکی مسئله یه فتوی اولمادیغی وضعیف اولدیغی بیان بیورلمشدر .

وقربان اوله جق حیوان وحشی اولما ملیدر اکر وحشی ایله انسی و اهلی بیننده تولد ایتیش ایسه آناسنه باقیلور . اکر آناسی وحشی ایسه یاوریمی دخی وحشی عداولنوب قربان ایتك جائز اولماز .

واکر آناسی انسی ایسه یاوریمی انسی عداولنوب قربان ایتك جائز اولور . واکر وحشی اولوب صکره دن مونسه اولان اینك واکوزی قربان

ایلسه جائز اولماز لیکن اولجه انسی اولوب صکره دن وحشی اولسی قربان اولسنه مانع اولماز . (هندیه)

باباسی بشقه حیوان اولوب اناسی قربانه مخصوص حیواندن اولدقده یاوریمی علف یرایسه قربان اولور . (قاضیخان)

قیون و کچی اشتراك قبول ایتمز . برقیون برکچی برکیمسه ایچون قربان اولور یدی یه قدر اشتراك جائز دردی نه نك قوی متروکدر . عمل جائز اولماز . (قهستانی)

برصیغر بر دوه یدی کیمسه ایچون قربان اولور . یعنی یدی کیمسه مشترک اوله رق برصیغری و یادوه یی قربان ایده بیلور لر مشترک ایدیدن نقصان وتك وچفت اولمق جائزدر . وفتوی بونکله در . (هندیه)

بعض علمایه کوره (دوه) اون کشیدن قربان اولور (اخی چلبی) زنکین اولان کیمسه برقیوندن زیاده برقاج قیون یاخود کچی قوربان ایلسه عامه علماعندنده بری فرض عملی اولوب بردن زیاده سی تطوع اولور و صاحب محیطه کوره اصح و مختار اولان بودر .

امام حسنك امام اعظم دن روایتنده برکیمسه ایکی قیون قربان ایتمکده بأس یوقدر . زیرا حضرت رسول اکرم (صلی الله تعالی علیه وسلم) افندمن هر سنه ایکی قیون قربان ایدردی و (حدیبیه) سنه سنده یوز دوه قربان ایلدیلر . (هندیه)

بعض علما جمله قربان واجب اوله رق صحیح اولور بیوردیلر و بردن زیاده سی عادات اولور دین ده واردر .

لیکن زنکین اولان برکیمسه کندی نفسی ایچون بر دوه یاخود صیغر قربان ایلسه کافه علمایه کوره کلیسی اضحیه واجب اولور . نمازده او قونان قرآنك اوج آیتدن و بر سورده دن زیاده سیده فرض اولدیغی کبی . وفتوی بونکله در زیرا ایکی قیون ایله برصیغر بیننده چوق فرق واردر چونکد ایکی قیون ایکی کره ذبحه یعنی قان آقیمغه محتاجدر برصیغر بونك خلافتنه در . (رد المحتار)

• شترک اوله رق اینک، او کوز، دوه جاموس قربان ایتمکه مستحب اولان جمله مشترک بردن آلمالی و یا خود ایچلرندن برینه امرایدوب آلدیرملی. یوقسه بری آنجهن کندنی نفسی ایچون آلدقدن صکره دیکرلری مشترک اولمق صحیح اولماز. (درالمختار)

حاصل کلام ایچلرندن بری آلوب دیکرلری مشترک اوله جنی تقدیرده آلاز کیمسه آورکن اشتراک نیت ایدرسه کراهتسنزیت ایتمزسه صکره دن اشتراک ایده جک کیمسه فقیرایسه اصلا اشتراک ایتمی جائز اولماز زنکین ایسه کراهت ایله جائزدر و مختار اولان بودر. (وجیز و قصاب زاده)
اگر جائز اولیه رق مشترک اولسه لر فقیره مشترک لک حصارلینک قیمتی تصدیق لازم کلور. (هندیه)

جمله مشترک قربان و عبادت و ثواب و فداء نفسه نیت ایتک و حصه لری مساوی اولمق و جمله سی مسلم اولمق شرطدر.

انواع قربان بشقه اولمق ضرر ویرمز [۱] (ردالمختار، وحدتی، درر)
لکن مشترک بردن بعضیسی ادایه و بعضیسی قضایه نیت ایلسه لر ظاهر اولان اتنی یمک جائز اولماز، تصدیق لازم اولور. زیرا قضایه نیت ایدنک نیتی باطل اولوب تطوعه منقلب اولور بوصورتده حصه لری حصه شایعه اولوب بندن جمله سنه تصدیق لازم اولور. (ردالمختار)

و مشترک لک بعضیسی واجب قربانه دیکرلری سنت و تطوع و نذر و عقیقه قربانه نیت ایتسه لر یا خود بعضیسی میت یا خود صبی و معتوه اولسه جائز اولور. (قاضیخان)

لکن مستحب اولان جمله سنک قربانی برنوعدن اولمقدردر. نوعلری مخالف اولمق کراهت تنزیهیه ایله مکروهدر. و کلیسی عادات اولور دین ده وارددر. (وحدتی)
ا نذر مطلق قیون و کچییه واقع و صادق اولور یعنی برکیمسه حیوانک

[۱] یعنی مشترک لک هبسی عبادت نیتیه کسه کاری حالدیه بعضیسی ادا بعضیسی قضا، نذر، و یا تطوع اوله رق کسمش اولسه لرده ضرر ویرمز.

جذنی تخصیص ایتمه رک قربان نذر ایلسه قیون و یا کچی لازم کلور دین قوله کوره انواع قربان بشقه اولمق جائز اولماز. (خلاصه)

﴿افضل اولان قربان﴾

اتی و بهاسی زیاده اولان قربان افضلدر. قربان ایدیه جک قیون و یا اینک اتی یدی کیمسه ایچون قربان ایدیلن حیوانلرک بر حصه سنه مساوی اولورسه قیون یا خود کچی کسمک افضلدر.

لکن بر حصه سنه مساوی اولوب یدی حصه دن بر حصه سنک اتی زیاده اولور ایسه یدی حصه دن بر حصه یه مشترک اولمق افضلدر.

قوج قیونندن کچی تکدن اتی و قیمتی چوق اولان آزا اولاندن افضلدر. و قربان یاغلی و کوزل و بیوک اولمق مستحب و افضلدر.

(منیه و هندیه و غیرها)

و کوزلری و قارنی و آیاقلری و کوکی قاره اولان قیون ممدوح و زیاده افضلدر. (ابن عابدین)

زیرا رسول اکرم (صلی الله تعالی علیه وسلم) اقدامن کوزی قاره ناز قاره آیاقلری قاره بشقه اعضالری بیاض اوله رق قوج قربان ایلدیلر. (شرح شرعه)

و قربان ایدیه جک براینسکه او کوزک قیمتلری اتلری مساوی اولورسه اتی کوزل اولدیغندن اینک او کوزدن افضلدر. (هندیه)

﴿قربانه مانع اولان و اولیان عیبلر﴾

«عَمَّيَاءُ»: ایکی کوزی کور «عَوْرَاءُ»: بر کوزی کور حیوان در کور بونلری قربان ایتک جائز اولماز.

«عَجَفَاءُ»: آریق حیوان دیمکدر ضعیف لکدن ایلک لری اریمش ایدیه قربان ایتک جائز اولماز.

« عَرَجَاء » بر آياغی آغساق ديمکدر کسه جک يره کلمکه قدرتی يوق
ايسه يعنی هيچ باصماز ايسه بونی دخی قربان ایتک جائز اولماز اکر زحمتله
يورور ايسه کراحتله جائز اولور . (خلاصه وحدتی)

« سَكَاء » : قولاقسنر طوغان حيوان ديمکدر قولاقلرندن بری اولسه
دخی اصح اولان قربان ایتک جائز اولماز (قهستانی، ردالمختار)

« صَمْعَاء » : کوچک قولاقلی ودلیک قولاقلی وقولاقلی تمغالی حيوان
ديمکدر قربان ایتک جائزدر (خلاصه)

« جَدْعَاء » : بورنی کسیک حيوان ديمکدر قربان ایتک جائز اولماز .
(شرنبلالی)

« شَرْقَاء » : قولاقی اورته سندن کسیلوب دینمش یاخود اوزونلغنه
يارلمش حيوان ديمکدر .

« خَرْقَاء » : قولاقی انينه يارلمش حيوان ديمکدر . بونلرده اکثریسی
ویانصفی کیتمش ايسه جائز اولماغه محمولدر .

« مُقَابَلَه » : قولاقی اوک طرفندن و « مُدَابَرَه » آرقه طرفندن ييرتقی
ديمکدر . هرايکسی ده چوق اولور ايسه کراحت تحریمه ايله آز اولورسه
کراحت تنزیهه ايله مکروهدر . (ردالمختار)

« هَمَاء » : ديشسنر حيوان ديمکدر . اکر ديشلرينک اکثریسی وار
ايسه کراحتله جائزدر (ردالمختار)

لکن فتاوی هندیه ده ديشسنر حيوان ديشلی حيوان کبی یايلوب قارتی
طيورور ايسه جائز اولور بيورلدی .

« جَدَاء » : ممه سی کسیلمش وقوریمش حيوان ديمکدر . ممه سنک
اکثریسی سالم اولورسه قربان ایتک جائزدر (وحدتی)

قیون وکچی ده برمه وصیغرده ایاکیسی کیتمش ویاقوریمش ايسه جائز اولماز
بيورلدی لکن یاوریسنی امزیرمه که قادر اولورسه جائز اولور (خلاصه)

« ثَوْلَاء » : مجنون حيوان ديمکدر . قارتی طیوره بیلور ايسه قربان
ایتک جائز اولور . طیوره مز ايسه جائز اولماز (درالمختار)

« خُنْثَاء » : بونده اختلاف اولنوب (هندیه) ده حثی قربان اولنمز زیرا
آنی پیشمز بيورلدی . لکن (وحدتی) ده ظاهر اولان جائز اولمقدردینلدی .

« جَرَبَاء » : اویوز حيوان ديمکدر . آتی سمیز اولورسه قربان ایتک
جائز اولور . (خلاصه)

« جَلَالَه » ! نجاست بین حيوان ديمکدر . دائماً نجاست یرايسه حبس
ایتمه دن قربان ایتک جائز اولماز . آتی کوزل اولسون ایچون (دوه) ايسه قرق

کون (صیغر) ايسه یکر می کون ، قیون ايسه اون کون حبس اولنور (هندیه)
لکن (درمختار) ده ظاهر اولان دوه ايله صیغر اون کون قیون درت کون

حبس اولنور بيورلدی .
فقهادن بعضیلری (دوه) اوتوز کون حبس اولنور دیدیلر .

« جَمَاء » : بوینوزسنر حيوان ديمکدر . قربان ایتک جائز اولور .
قیریلیرسه دخی بیئنه واصل اولمقدجه ینه جائز اولور .

« عَظْمَاء » : بوینوزی قیرلمش حيوان ديمکدر . اکر کیکلرک باشنه
واصل اولدی ايسه قربان ایتک جائز اولماز (بدایع)

قهستانیده اکر قیریلان بوینوز دماغه واصل اولمش ايسه قربان اولماز
بيورلدی (ابن عابدین)

د خسته اولوب ظاهر حالده اولومی غالب اولان حیوانی قربان ایتک جائز اولماز و قولاق و قویروغنک و کوز نورینک اکثریسی کیتمش اولان حیوان قربان ایدلر . بونلرک نصفی کیتمش ایسه اختلافیدر . ظاهر و احتیاطی اولان جائز اولما مقدر . نصفندن آزی کیدر سه جائزدر و فتوی بوکادر (ملتقی) بعض علما اوچده برندن زیاده سی کیدر سه جائز اولماز بیوردیلر بو قوله ده فتوا ویرن واردر (قاضیخان)

و بعضیلری اوچده بری و درتده بری کیدر سه جائز اولماز دیدیلر . جامع الصغیرده بیان بیورلدیغنه کوره بومسئله نك خلاصه سی قولاق و قویروغنک و کوز نورینک کیتمه سی (کثیر) یعنی چوق اولور ایسه قربانک جوازینه مانعدر . واکر (یسیر) یعنی آز اولور سه مانع اولما مقدر . فقهای عظام حضراتی کثیرایله یسیرک تفسیرنده اختلاف ایتدیلر . امام اعظم حضرت تدرندن درت وجه روایت اولندی .

(برنجیسی) : اکر بو اعضارک اوچده بری یا خود دها آزی کیتمش ایسه یسیردر قربان ایتک جائز اولور دیدیلر بو قول اظهردر . واکر اوچده برندن زیاده سی کیتمش ایسه جائز اولماز زایرا کثیردر بیوردیلر . چونکه صحیح اولان اوچده بر و اوچده بردن آز اولان قلیدر زیاده سی کثیردر . «تاتارخانیه ووقایه واصلح» ده صحیح اولان بودر دینلدی . ایکنجیسی : اوچده بری کیتمش ایسه جائز اولماز . زیرا کثیردر . بیورلدی .

اوچنجیسی : درتده بری کیتمش ایسه جائز اولماز . زیرا کثیردر بیورلدی . دردنجیسی : نصفندن آزی یا خود نصفی کیتمش ایسه جائز اولور . لکن نصفندن زیاده سی کیدر سه جائز اولماز بیورلدی . احتیاط اولان نصفنده دخی جائز اولما مقدر . بو قول اخیر امامین قولیدر . و امام اعظم حضرت تدری دیگر قوللرندن بو قوله رجوع بیوردیلر دینلدی (هدایه) و (کنز) و (ملتقی) ده قول ترجیح ایدلدی و فتوی بو قوله کورددر (ابن عابدین)

کوزینک نورینک اوچده بری یا خود یاریسی کیتمش اولدیغنی بیلمک ایچون حیوانی برویا ایکی کون عافسز حبس ایدوب علفه زیاده اشتها ایتدکدن صکره علتلی کوزینی باغلا یوب اوزاق بر محلدن علف ایله صاغ کوزی قارشوسنه یواش یواش کله رک نه قدر محلدن فرق ایدر سه اول محله اشارت ایتدکدن صکره حیوانی ینه اسکی محله کتوروب صاغ کوزینی باغلا یه رق علفی علتلی کوزی طرفندن منوال سابق اوزره آز آز یا قلاشدیرملی وینه کوردیکی موضعی آکلاملی و صاغ کوزیله کوردیکی محل ایله عذرلی کوزی ایله کوردیکی محکم آراسنی اولچملی بو صورتله عذرلی کوزینک نورینک اوچده بری و یا نصفی و یادرته بری کیتمش اولدیغنی بیلمیر . (هندیه)

اکر علت ایکی کوزنده اولور سه کوزی عذر سزا اولان برقیون ایله علتلی قیون پیننده بیان سابق مثللو تجربه ایله عمل اولنور .

وقولاغنک بری دینندن کیسلان یا خود طوغدیغنده بر قولاغی اولیسان حیوانی قربان ایتک جائز اولماز . (هندیه)

امام محمد قولاق سز و قویروق سز طوغماز . واکر طوغمش اولسه قربان ایتک جائز اولماز بیوردی . لکن امام اعظم حضرت تدرندن (اصل) نام کتابده جوازی روایت اولندی . (فهستانی، ردالمحتار)

برونک حکمی قولاق کیدر . اما ذکر و فرجی اولسه یا خود کیلمش اولسه ظاهر اولان قویروق کیدر . (وحدتی)

دلسر صیغر قربان ایتک جائز اولماز . قیون جائز اولور دین واردر . لکن احتیاط اولان قیون دخی جائز اولما مقدر .

ودیلی کیلمش و اکثریسی کیتمش اولان حیوان دیاسر حیوان کیدر . (قنیه، ردالمحتار)

قان بول ایدن حیوان کورونشده قان بول ایتمه ین حیواندن سمیز اولور ایسه فقهانک بیان بیورمدق لرنندن و سکوت ایتدکلرندن آکلاشیلان جائز

اولمقدر (والله اعلم)

وقربان ایدیله جک حیوان قربان ایده جک کیمسه نك مالی و ملکی اولمق شرطدر . سرقت ایتیش اولدینی و غصب اوله رق و یا خود بیع فاسد ایلله مالک اولدینی حیوانی کسسه قیمتی صاحبنه ویردکن صکره جائز اولور . (ردالمحتار) لکن امانت و عاریت اوله رق آلمش اولدینی حیوانی کندی طرفندن قربان ایتک جائز اولماز .

بعض فقها رهین آلدینی حیوانی قربان ایتک جائز اولور دیمشله ایهده ظاهر روایتده جائز اولماز . (ابن عابدین)

و آلفه و یا خود قبضه وکیل اولدینی حیوانی کندی طرفندن کسسه جائز اولماز . و زوجی زوجه سنک و یا خود زوجه سی زوجنک قربانی اذنی اولیه رق کندی نفی ایچون کسسه جائز اولماز . قیمتی ویرمکه راضی ایتسه دخی جائز اولماز . (خلاصه ، خادمی)

و برکیمسه کندی قربانی بشقه سی ایچون کسسه ینه جائز اولماز . (وجیز) و قربان قوجه مش اولوب جماعدن و یا وريله مقدن یعنی طوغور مقدن عاجز اولسه و خصیه لری کوچک اولسه مکروهدر . (وحدتی)

و علاج و علتسز سودی کسبان و طوغور مسی یقین اولان حیوانی و یا وریمی کوچک اولان حیوانی قربان ایتک مکروهدر . اما سودی علاج ایلله کسلورسه قربان ایتک جائز اولماز . (درالمختار)

قورت قویروقلی واکری کوزلی اولان حیوانی و تویی دوکیلان حیوانی قربان ایتک مکروهدر . (شریلالی)

و قربان اوله جق حیوانه بینمک و چفته قوشمق و کسمزدن اول تویی قیرقوب یوکنی استعمال ایتک و صاغوب سودینی یمک و ضرورتسز قیرقلمش قیون آلوب قربان ایتک و سودلی قیون و کچی قربان ایتک مکروهدر .

(ابن عابدین ، هندیه ، خادمی)

زیرا قربانی کسمه دن سودی و یوکی و سائر جزو لریله انتفاع مکروهدر . آنجق بونلر تصدق اولنور لکن قربانی کسمکه مخصوص اولان کونلرده قربانی کسدکن صکره هر بر جزئیله انتفاع جائزدر . (هندیه) بعض فقها زنکین اولان کیمسه لره هر حالده کندی انتفاع ایتک جائزدر دیدیلر . (ابن عابدین)

﴿ قربان و سائر حیوانی کسمه سی حلال اولیان کیمسه لر ﴾

آتشه طپان محوسینک کسدیکی ینمز زیرا مشرکدر . ملت توحیددن اولمق احتمالی یوقدر . (داماد)

ذابح اولان کیمسه لر اسلام لر کبی اعتقاد جهتندن یا خود کتابی اولان خریستیانلر کبی دعوا جهتندن ملت توحیددن اولمق شرطدر .

بوشرط کندیلرنده بولنمیان کیمسه لرک کسدیکی حلال اولماز . و آیه و کونه و پوته طپان و ثیلرک دخی کسدیکی ینمز . زیرا آنلر محوسی کبی مشرکدر . (اخی چاپی)

و مرتدک یعنی (معاذالله) کندیسندن کفر صادر اولمغه دین اسلامدن چیقمش اولان کیمسه نك کسدیکی دخی ینمز . زیرا بونک ایچون ملت یوقدر . (ردالمختار)

و بونلرک دینده تابعلرینک دخی کسدیکی حرامدر . وارکک اولسون عورت اولسون بونلرک اولریده حرامدر . (مفتاح السعاده)

و جنینک دخی کسدیکی ینمز . زیرا فخر عالم (صلی الله تعالی علیه وسلم) افندمز ذبایح جندن نهی بیوردیلر . لکن ظاهر اولان صورت آدمی یه کیروب کسمه لر حلال اولور . (ردالمختار)

و باباسی سنییه اولان جبرییه نك کسدیکی یمک جائز اولماز . زیرا مرتدین

منزله سنده در ذبحی حرامدر دیدیلر . لکن بومسئله ده خلاقی یعنی کسیدی
حلال اولق راجحدر . زیرا مجبره ایکی قسمدر ایکیسیده حاشا ثم حاشا
(الله) اوچدر دین نصارادن اهورندر (ردالمحتار)

وا کر باباسی جبریه اولورسه ضرر ویرمز (درالمختار)

وقصداً بسمله بی ترک ایده نک کسیدی حرامدر . مسلم اولسون کتابی
اولسون . زیرا واجب تعالی و تقدس حضرتلری { وَلَا تَأْكُلُوا مِمَّا لَمْ
يَذْكُرْ اِسْمُ اللَّهِ عَلَيْهِ } نظم جلیلله حرمتی بیان بیوردیلر . اما حضرت
فخر عالم (صلی الله تعالی علیه وسلم) افندمزك { اَلْمُسْلِمُ يَذْبَحُ عَلَى اِسْمِ اللَّهِ
سَمِيٍّ اَوْ لَمْ يُسَمَّ } یعنی مسلم اسم الله اوزرینه کسر .

ظاهرده (بسم الله) دیسون دیسون بیوردقلری نسیان اوزره محمولدر .

(ابن عابدین)

زیرا سهواً ترك ایتك ضرر ایتمز (ملتی)

ینه بونک کی بسمله شرط اولدیغی و آنجق بسمله شریفه ایله حلال
اوله جغنی بیلیمهرك جهلاً ترك دخی ضرر ویرمز (ردالمحتار)

وصائینک کسیدی امام اعظم حضرتلرینه کوره مکروهدر . امامین
حضرتلری حرامدر بیوردیلر . (درر)

زیرا بونلر بر قومدرکه یهودی و نصاری دینندن عدول ایدوب بیلایزه
وملائکیه طیارلر . (روح البیان)

وبعض علمایه کوره بونلرده کتابی و غیر کتابی اولق اوزره ایکی
فرقه در . بوصورته کتابی اولانلرینک کسیدی ینور . (قاضیخان)

(قهستانی) ده صائیه حضرت عیسی علیه السلامی و نبوتی مقرردر .

کسیدکری حالدر بیورلدی و (بدایع) ده بونلرک کتابی زبوردر
دینلدی . (ردالمحتار)

افر نجلر نصاراده داخلدر . (مبسوط) ده عیسی علیه السلام ایله عزیز
علیه السلامه (الله) دیو اعتقاد ایدن والله تعالی حضرتلرینه «ثالث ثلاثه»
دین کتابینک کسیدی حلال اولماز بیورلدی .

لکن (هدایه) نک اطلاقه و کتب سائریه و شمس الاثمه عندده ذبیح
نصاری مطلقاً حلال اولدیغنه نظراً هر نه قدر الله تعالی حضرتلرینه (ثالث
ثلاثه) و مسیح علیه السلامه (الله) دیمشله ایهده دلائل جواز اوزره دالدر
ولکن ذبح ایدرکن ذکر الله بدلنده مسیحی ذکر ایتدکری ایشیدلسه یاخود
{ بِسْمِ اللَّهِ الَّذِي هُوَ ثَالِثُ ثَلَاثَةٍ } دیسهلر کسیدکری حلال اولماز .
واولی اولان ضرورتسز بوعتقاد اوزره اولانلرک قیزلرینی آلق و کسیدکری
یمک جائز اولماقدیر . (ابن عابدین)

وانجیلی تغیر ایدن ارمنیلردن نبوة عیسی اقرار ایتیانلرک کسیدی
دخی حلال اولماز . (مصفی)

حاصل کلام اهل ذبیح یا مسلملر کی اعتقاد جهتدن یاخود کتابیلر
کی دعوی جهتدن ملت توحیددن اولق الزمدر .

— کسیدی حلال اولان انسانلر —

{ اَلَا مَا ذَكَرْنَاهُ } خطاب مستطاب الهیسی حقلرنده انزال بیوریلان

مسلم و مسلمنه نک کسیدکری حالدر . معتوه اولسه لرده ضرری یوقدر .
یعنی معتوه صبی و مجنون ذبحه قادر اولدقلری صورته ذبحک شرطلرینی

وبسمله ایله حلال اوله جغنی بیلورلرسه کسیدکری حالدر ینور .

(درالمختار)

سرخوشک و حائض و نفسا خاتونک و جنبک کسیدکری حالدر

ینور . (درالمختار)

اما دلستر و سنتسزک کسیدی مکروهدر . و ابرش تعیر اولنان ابرصکه

فساد مزاجندن ناشی وجودینک در یسندن بعض محالرنده بیاضاق حادث
اولان کیمسه دیمکدر . بونک ده کسدیکی جائزدر . لیکن قربان کسمکده
بونک غیر یسی اولی وافضلد .

وکتایینک : یعنی برنجی به ایمان و کتاب اللهدن بری اقرار ایدن
خرستیانلرکده کسدکری حالدر . لیکن کتایینک قربان کسمه سی
مکروهدر . (هدایه)

وبو کتایی اولان خرستیانلر ذی اولسون حربی اولسون عربی
اولسون تغلبی اولسون کسدکری حالدر . (ابن عابدین)

زیرا آیت کریمه ده { وَطَعَامُ الَّذِينَ أُوتُوا الْكِتَابَ حَلْلٌ لَّكُمْ }
بیورلمشدر .

کتایی اولان خرستیانلرک طعامی سنزک ایچون حالدر . دیمکدر .
چونکه کتاییلر توحید ادعاسنده درلر . لیکن الله تعالی حضرتلرینی بیلوب
واثنای ذبحده ذکر ایتلری شرطدر . وبونلرک کسدیلرینه . تابع اولان
اولادلرینک دخی کسدیکی ینور . مجنون اولسه لرده ضرر ویرمز .

لیکن صاحب (عنایه ونهایه) مجنون ایله مراد معتوهدر . زیرا
مجنون ایچون قصد ونیت اولماز . خصوصیه (بسمله) شرطدر بوده
قصده محتاجدر دیدیلر . اما اصح اولان (بسمله) دیدکده نیت حاضر اولسه
دخی حالدر اگر اللهم اسم شریفی ذکر ایله حلال اوله جغنی بیلورلرسه
واگر اللهم اسمی ذکر ایله حلال اوله جغنی بیلمزلرسه حلال اولماز .
بوشرط قربان کسن کیمسه لره مخصوص اولیوب جمیع ذابحه عام وشاملدر .
(درالمختار مع حاشیته)

صبی وسرخوش دخی بومسئلهده مجنون کیمدر . بومسئلهده فقهای کرام
حضراتی اختلاف ایدوب بعضیلری (بسمله) بی بیلوب حین ذبحده تصور

وملاحظه ایتک لازمدر دیدیلر . وبعضیلری ذبحک (بسمله) ایله حلال
اوله جغنی بیلمک لازمدر بیوردیلر . بعضیلری ده حلال اولمق آنجق
طمرلری کسمک ایله اوله جغنی بیلمک لازم وشرطدر دیدیلر (تاتارخانیه)
وبسمله نک عقیبنده برشی ایله مشغول اولیوب همان بوغازلامق شرطدر .
حتی بسمله دن صکره بیچاغی بیلسه (بسمله) بی تکرار ایتک لازمدر (بزازیه)
اما اصح اولان بیچاغی آزاچق بیله یه جک قدر فصل ایتک ضرر ویرمز .
لیکن بعض علما قلیل وکثیر بینی فرق ایتیه رک مطلقا آزاچق فصل واقع
اولسه (بسمله) بی اعاده لازمدر بیوردیلر (ردالمختار)

بسمله دیدکدن صکره قیون یرندن قالقویرسه یا تورددقه بردخی (بسمله)
دیمکه محتاجدر . دیمسه حلال اولماز (خلاصه)

وبسمله دنیلدکدن صکره قیون یوزینی برطرفه چویرسه کسه جک کیمسه ده
قیونک یوزینی دوندرسه (بسمله) بی اعاده لازمدر . اولکی بسمله کفایت
ایتمز دیمشدر ایسه ده برکله سویلمک وبرلقمه یمک وبر یودوم صو
ایچمک قدر فصل ضرر ویرمز (درالمختار، قاضیخان)

بسمله دن صکره النده کی بیچاغی براقوب آخر بریچاق آله (بسمله) بی
اعاده لازم اولماز . لیکن بر حیوان اوزرینه بسمله دیدکدن صکره اول حیوانی
ترک ایدوب دیکرینی کسه بسمله بی اعاده لازمدر .

یعنی بیچاغی تبدیله تکرار (بسمله) لازم دکدر . حیوانی تبدیله
لازمدر . (هندیه)

آوکلی آوه صالیویرلدکده وتفنگ وواق آوه آتیلدقه بیچاغک خلافتنه در .
یعنی (بسمله) دن صکره آوکلی یاخود تفنگ تبدیل ایدلسه دیکر (بسمله)
لازمدر . لیکن آو دکشه تکرار بسمله لازم دکدر . اولکی بسمله
کفایت ایدر (هندیه)

ذبح ایله پاک اولان حیوان دیری ایکن کسیدکده هر نه قدر کوچک

امام اعظم عندنده حیوانی کسدکده قارنندن اولمش یاورسی چیقسه پاك اولماز . امامین عندنده خلقتی تمام اولدقده آناسنک ذبحنه تبعاً آناسی کسیدکده قارنندن چیقان یاورى پاك وحلال اولور ينور (درالمختار)
خلقتی تمام اولمدي ايسه اتفاقاً نجسدر . واکر آناسنک قارنندن چیققدن صکره کسه جک مقدارى دیری قالسه اتفاقاً بوغازله مدن ينمز (ملتقى وقاضیخان)
برقاچ حیوانى بربرى آردنجه بوغازلسه هر برنده (بسمله) بی اعاده لازمدر .
لکن بربرى اوزرینه یا تیروب بردن بوغازلار ايسه بر (بسمله) کافیدر . بر حیوانى ایکی آدم کسه ایکیسده (بسمله) لازمدر . (درالمختار)
حیوان کسيلمه دن هر جزئی حرامدر . کسیدکده دیری اولسه یعنی تماماً روحی چیقما مش اولسه و پیشمه دن ينسه جائز وحلال اولور .
حیوانک وجودندن ينمهی کراحت تحریمیه ایله مکروه اولان اعضا دیدر . فرجی ، جوزلری ، بزلی ، بول قابی ، اودی ، اندن آریلوب آقان قانی ، ذکریدر . (درالمختار مع حاشیته)
بویدی اعضایی

إِذَا مَا ذُكِّيتْ شَاةٌ فَكُلْهَا
فَفَاءٌ ثُمَّ خَاءٌ ثُمَّ غَيْنٌ
سَوَى سَبْعٍ فَقِطْهُنَّ الْوَبَالَ
وَدَالٌ ثُمَّ مِيمَانٌ وَ ذَالٌ

بیقی جمع ایدر

یعنی قیون کسدیکک وقتده یدی اعضادن غیرى آنک اینی بی اول یدی اعضایی یمکده وبال وارددر . برى (فاء) یعنی (فرج) ایکنجیسی (خاء) یعنی (خصیه) اوچنجیسی (غین) یعنی «غده» که بز دیمکدر . دردنجیسی (دال) یعنی دم مسفوح که آقان قانی دیمکدر . بشنجیسی ، آلتنجیسی (میمان) یعنی (مثانه) که بول قابی و (مزاره) که اود دیمکدر . یدنجیسی (ذال) یعنی

ذکر در .

اشبویدی اعضایی یمک جائز اولماز . بونلردن بشقه هر اعضایی ينور .

کسیله جک طمرلر

حیوانی ذبح وقتنده کسیله جک طمرى درتدر .

(۱) حلقوم در حیوان بوندن صولور (۲) مری درکه بوندن یرواچر (۳، ۴)

وَدَجَانٌ دنیلان ایکی طمر درکه بونلره شاه طمرلری دینور . قان بونلردن

جریان ایدر . بودرت طمرى کسمک سئندر . { وَ ذَکَاةٌ } کامل بودر .

{ أَلَذَّكَاءُ فَرَى الْأَوْدَاجِ الْأَزْبَعَةِ } مضمونجه بودرت طمرک کلیسی

کسمک افضل واکلدر . (هنديه)

بو طمرلردن اوچنی کسه حلال اولور . زیرا اکثر ایچون حکم کل وارددر .

امام اعظم و ابو یوسف حضرتلری کسیله جک اوچ طمر هانکیسی اولورسه اولسون بیوردیلر . لکن امام محمد حضرتلری درت طمردن هر برینک اکثریسی کسمک لازمدر . زیرا طمرلرک هپسی کسيلمکده اصلدر بیوردی . و امام ابو یوسفدن دیگر روایتده حلقومی و مری بی وودجاندن برینی کسمک لازمدر . ینه امام مشارالیه دن اوچنجی روایتده حلقوم ایله (ودجان) دنیلان شاه طمرلرینی کسمک شرطدر . (ابن عابدین) بودرت طمرک نصفندن زیاده سنی کسمکده اختلاف وارددر . مالکی مذهبنده کلیسی کسمک فرضدر . بزم مذهبمزدده حلقوم ایله مری بی کسوب و شاه طمرلرینک اکثریسی کسدکده حلال اولور . (هنديه)

حضرت فخر عالم (صلى الله تعالى عليه وسلم) افندمن { أَلَذَّكَاءُ مَا بَيْنَ اللَّبَّةِ }

وَاللَّحْيَيْنِ « بیورمشلردر . معنای شریفی ذکات یعنی ذبح شرعی کردن و کوس بنبیله صقال محلی اولان چکه نك مابینندن اولور دیمکدر .

حدیث شریف منطوق منیفنجه کتب فقهیه نك اکثریسنده حیوانك بوینونك کوس ایله چکه آره سندن اشاغی و یوقاری واورته سندن کسمکی تجویز بیوردیلر . .

لکن قیون وکچی و صغیرده چکه آلتندن (دوه) ده کوسندن بوغازلق سئندر . بونك عکسی مکروهدر . زیرا (نحر) دوه ده (ذبح) سائر حیواناتده مستعملدر .

و (نحر) کوسندن و یا کردانندن کسمک و (ذبح) چکه آلتندن کسمکدر . (ردالمختار) و حیوان کیسلورکن بوغازنده کی یومریحق دنیلان کیمک اوستندن کسمکی امام رستغفی و منلا خسرو و بزازی و عینی و حلبی تجویز ایلدیلر . لکن صاحب (نقایه) و (مواهب) و (اصلاح) و (زیلعی) اصالت تجویز ایتمدیلر . یومریحق کیمکی حیوانك باشی طرفنده قالمق اتفاقی و سنت و (مقتابه) در . کوس طرفنده قالمق اختلافیدر .

حاصل کلام بحثك اولنده ذکر ایلدیکمز حدیث شریفك ظاهری اوزره بعض مشایخمز چکه ایله کوس آراسندن لسانمزده یومریحق دنیلان کیمک اوزرندن و آلتندن بوغازله مق جائز در دیدیلر .

و بعض مشایخمز حیوان کسمکده هر نقدر کافه علما عندنده طمرلرک اکثریسنی کسمک شرط ایسه ده (حلقوم) ایله (مری) طمرلرینی کسمک لازمدر . یومریحق اوزرندن کیسلدکده بواکی طمر کیسلمز . بوتقدیرجه اتفاقاً یئمز دیدیلر .

بومسئله (مزالق اقام) در ممکن مرتبه ایضاح ایده لم . یومریحق کیمکی حیوانك وجودی طرفنده قاهر ق اوستندن کیسلدیکنده اوچ طمر کیسلورسه

جائز و حلال در .

و ا کریومریحق اوستنده (ودجان) طمرلرندن ماعدا طمر اولیوب (حلقوم) ایله (مری) طمرلری یومریحقده نهایت بولوب (ودجان) دنیلان ایکی طمردن غیریسی کیسلمدیکی ارباب و قوف طرفندن مشاهده ایلدکده و یا خود صادق و عادل بر سلاح سوزیله بیلندکده یومریحق اوزرندن کسمک حرام اولور .

هر حالده اول یومری کیمک کیسلان حیوانك باشی طرفنده قالمق صحیح و (متفق علیه) در و احتیاط بونکله در . (مألاً ردالمختار)

❖ حیوان کیسله جکی وقتده دیری و یا خود ❖

❖ اولمش اولدیغنی بيلمک ❖

حیوانی کسمزدن اول صاغ و دیری اولدیغنی بیلندکده کسدکن صکره قانی چیقمه و وجودی قیلداسه بیله کیسلمکله حلال اولور . کیسلمزدن اول دیریلکی بیلنمه قان و یا حرکتدن برینه محتاجدر . قانی چیقماز و حرکتده کورلمز ایسه یئمز . (ملتقی)

لکن بعض علما عندنده حیوان آغزینی یومق و کوزینی یومق و تویینی قالدیرمق و باجاغنی چکمک دیریلک علامتیدر . و بونلرک خلاقی یعنی آغزینی آچق و کوزینی آچق و تویلرینی یا تیرمق و باجاغنی اوزاتمق (موت) علامتیدر . بر حیوانك کسمک سببیله اولدیکی بیلنمدکجه یئمز . (درالمختار)

❖ آلت و کیفیت ذبح ❖

حیوان کسمک ایچون آلت بچاقدر . و بزم مذهبمزده بچاغك غیری کسکین شیلر ایله ده کسمک کراسته جائز اولور . یعنی بوینوز و قامش و طاش ویرندن ایرلمش دیش و طرناق و سائر کسکین اولان شیلرله کسمک کراسته ایله جائز و حلال اولور . لکن بوینوز و دیش و طرناق محلامرینه بتیشیک ایکن

انلره کسمک جائز اولماز (وحدتی وغیره)

وقارشو سنده ویا تیرد قدن صکره بچاغی بیله مک مکروهدر . (درالمختار)
وعند البعض بچاق کسمیوب بوینندن بچاغی قالدیروب بیلهدکن صکره
کسمسه اذا اولدینی ایچون بوصورتله کسمک حرامدر . لکن کسین حیوانک
اتنی یمک حرام اولماز . (وحدتی)

کندندن بشقه سنک قربانی اذنسر کسمسه ده نفسنه نیت ایله ده دخی صاحبک
اولور . زیرا زوجینک غیریده قربان کسمک ایچون حاضرلن حیوانی
اذنسر وامر سر برکیمسه کسمسه ، قربان صاحبندن جائز و صحیح اولور .
وعند البعض نفسم ایچون بوغازله دم دیسه دخی تضمین ایتدیرمدکجه قربان
صاحبندن ادا اولنور .

واکر وقتک ایچنده تضمین ایتدیررسه بردخی آلوب کسر وقتی کچدکن
صکره اودتدرسه اول حیوانک قیمتنی تصدق لازم کلور . (اشباه وغیرها)
ایکی کیمسه دن بری دیگرینک قربانی یا کلسلق ایله کندینک ظنیه کسدکن
صکره اتنی یمه دن صاحببری قربانلرینی بیلوب آلسه لر صحیحدر . اتنی یمیدکن
صکره بیلیرلرسه حلاللاشدقه ینه صحیح اولور . حلال ایتزسه اوده مک
وتصدق ایتک لازم اولور . (هدایه)

حیوانک کسینه جک طمرلرینی آتش ایله یاقوب کسمه (درمختار) ده
کراحت ایله تجویز ایدلدی اما (ابن عابدین) ذبح یرینی آتش ایله کسنجه
قان اقرسه حلال اولور واکر طوکوب آقزسه حلال اولماز بیوردی
لکن امام زاهدی اصلا تجویز ایله مدی .

بچاغک غیر یسی ایله کسمک مکروه اولدینی کی کسمز بچاق ایله کسمک و کسمز
بچاغی برقاچ دفعه سورمک و کسه جک یره بجاغندن سوری یره رک چکمک و مردار
ایله که قدر بردن کسمک وفائده سز اینجیتیمک و حرکت ایدرکن یوزمک و باشنی
بردن کسه ب اوزمک و قبله یره چویرمکی ترک ایتک و طفور منی یقین اولان حیوانی

کسمک و (بسمله) ایله اللهدن غیر یسنک اسمنی ذکر ایتک و غصب اولمش بچاق ایله
کسمک مکروهدر . و بعض علما « بِسْمِ اللَّهِ وَاللَّهُ أَكْبَرُ » و او ایله مکروهدر
دیمشله ایسه ده اصح اولان مکروه دکدر . زیرا حضرت پیغمبر افندمزدن
و حضرت علیدن و حضرت ابن عباسدن (و او) ایله (بسم الله والله اکبر)
نقل اولمشدر . لکن امام بقالی و حلوانی و علاءالدین و صاحب متقی مستحب
اولان و اوسز اوله رق (بسم الله الله اکبر) دیمکدر . زیرا (و او) تعقیب بسمله یی
قطع ایدر دیدیلر .

بومسئله لر (هندیه) و (محیط) و (درالمختار) و (وحدتی) و (ملتقی)
و (قاضیخان) و (خادمی) و (هدایه) دن آلمشدر .

﴿ قربانک مستحببری ﴾

(۱) قربان ایدیله جک حیوانی ایام نحر دن اول حبس ایدوب بسله مک .
(۲) قلاده یعنی خاتونلرک کردانلق دیو طاق دقلری شی کی قربانک بوینونه حلی
جنسندن برشی طاقق لکن بزم مذهبه مزده قیونده مستحب قلنماز . (طحطاوی)
(۳) قربانی چوللامق (۴) قلاده و چولی تصدق ایتک (۵) کسه جک یره
تعظیم ایله کتورمک (هندیه)

(۶) کندیزی کسمکه قادرایسه بنفسه کسمک (۷) قادر دکل ایسه برکیمسه یی
وکیل ایدوب کندیزی حاضر بولنق . زیرا فخر عالم (صلی الله تعالی علیه وسلم)
افندمز « قومي يا فاطمة فاشهدی اُضْحِيَّتِكَ فَإِنَّهُ يُغْفِرُ لَكَ بِأَوَّلِ قَطْرَةٍ

مِنْ دَمِهَا كُلُّ ذَنْبٍ عَمِلْتَهُ » یعنی کریمه زهرالینه ای قزم سن حین ذبحده قربانکه
نظرایت و حاضر اول . زیرا هر برکناهاک قانندن ایلک دامله سی یره دوشدکه
عفو و مغفرت اولنور دیمشله و « إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ
رَبِّ الْعَالَمِينَ لَا شَرِيكَ لَهُ » دعاسنی او قو بیورمشلدر . (ابن عابدین)

حضرت رسول اکرم (صلی الله علیه وسلم) افندمن (حدیدیه) وقعه سی سنه سنده یوز دوه قربان ایدوب آلتش اوچنی مبارک ید سعادت لریله کسه رک باقیسنی حضرت علی افندمنزه امر بیوردیلر . (ضیاء معنوی)

اسماعیل حتی تفسیرنده بیان بیوردیلر اوزره افندمن حج وداع سنه سی یوز دوه کتوروب مبارک عمر شریف لری آلتش اوچ سنه اولدیغنه وختامنه اشارت ایچون آلتش اوچنی بالذات کسوب باقیسنی حضرت علی افندمنزه امر بیوردیلر . (روح البیان)

امام حسن روایتنده امام اعظم افندمن بیوردیلر که قربان بردن زیاده اولمده بآس یوقدر جائزدر . زیرا حضرت فخر کائنات (علیه کمل التحیات) افندمن هر سنه ایکی قیون قربان ایدوب برینی ذات محمدیه لری ایچون دیگرینی امتلری ایچون ذبح بیوردقلری صحیحدر و (حدیدیه) سنه سی یوز دوه قربان ایلدیلر بیوردی .

(۸) بچاق بیوک و کسکین اولمق (۹) درت طمری کسمک (۱۰) بودرت طمرله اکتفا ایدوب حیوان اولمزدن اول باشنی اوزمه مک بونلرک هپسی مستحیدر . (هندیه و غیرها)

(دوه) دن ماعداسنی یاتوروب باغلایه رق کسمک سنتدر . دوه بی آیاقدہ ایکن کسمک سنتدر . صول دیزینی باغلا یوب یاتور مقده جائز اولور . (ه حدتی)

اگر حیوان وحشی اولوب انساندن قاچارسه یا خود قویویه دوشوب بوینندن کسمک ممکن اولمازسه کیلمه سنی مراد ایدرک (بسمله) او قویوب بر آلت جارحه ایله یاراله مق ایله حلال اولور .

اگر حیوان انسان اوزرینه هجوم ایدرسه هجوم ایتدیکی کیمسه ذبحنی مراد ایدوب بسمله ایله اولدیردکده ینه حلال اولور .

بر صیغرک یا وريله مسی صعوبتلی اولدیغنی حالده صاحبی یا ورینک دیری اولدیغنی بیلوب النی اول صیغرک ولادت محلنه ادخال ایله اول یا ورینک

ذبحه مخصوص اولان یرندن کسمکه قادرا اولورسه ذبح ایلدکده حلال اولور . اگر قادر دکل ایسه بسمله شریفه او قوییه رق یاره لرسه ینه حلال اولور . بر کیمسه نک آوی و یا صیغری نک اوله جکی و هلاک اوله جنی یقیناً معلوم اولوب کسمکه وقت مساعد اولسه و یا خود آلت ذبح بولنسه بعض مشایخ مزیدله مق ایله حلال اولور بیوردیلر ، و بعض مشایخ مز ذبح طمرلرینی کسمدکجه حلال اولماز بیوردیلر . (در المختار)

وقربان آلان کیمسه ثواب و عبادت نیتله آلمق لازمدر یعنی آنجق (رضاء لله) آلمالی ، (اشباه)

حیوانی آلدقندن صکره قربان ایتمه ک نیت ایتمک اوزرینه واجب قیلمدقجه صاتمغه ضرر ویرمز . (اشباه و قاضیخان)

(رضاء لله) ایله غیریه نیت ایتمز . قدوم حاج و قدوم والی و قدوم غازی نیتله اولورسه میته اولور قربان اولماز . و اکثر علما بونیتله کسمک کفردر دیدیلر . و بعضیلری کفر دکلدر حرام اولور بیوردیلر ، (اشباه)

اما مسافر ایچون غیابنده قربان ایدمک جائز اولور و اجر جزیلی واردر . بومسئله نک بیانی : اگر سفردن کله حک ذات کله دن و کلدکدن صکره آنجق (رضاء لله) دعوته حاضر اولمق ایچون ذبح ایلسه جائز اولور .

لکن مجرد کلن ذاته تعظیم قصد ایدرسه حرام و میته اولور . یعنی امراء کلدکده و حاجی حجندن و غازی محاربه دن و سائر کیمسه لر سفردن کلدکدرنده آنلره تعظیم قصدیه قربان کسمک حلال اولماز . لکن (رضاء لله) اکرام و احسان قصدیه کسوب یدرمک جائز و حلال اولور . و خاصه مسافر ایچون کسمک حضرت ابراهیم (خلیل الله) علیه السلامک سنتیدر . (طحطاوی و ابن عابدین) بر کیمسه یه خسته لق عارض اولدقده و یا خود مرضندن شفا بولدقده و دکزدن سلامت کلدکده قربان کسمکی نذرا یلسه و دیوار یا پیلور کن تملی یا پیلدقده و بنا تعمیر اولنور کن کسین قربانلر فقرا یه تصدق اولنور یا خود یدیریلور . (رد المحتار)

و قربان کسمک مراد ایتدکده قولایلقله دونهک غیری حیوانلری یوزی و کوزی قبله یه قارشو صول طرفه یاتیروب اوج آیاغنی باغلایه رق اوزرنده کی صاغ باجاق بوش بر اقیلملی . (وحدتی)

صیغر لک درت ایاقلرینی باغلاسه بآس یوقدر . زیر باغلامق کسمکه قولایلق ایچوندر صکره بسمله شریفه ایلہ « اِنِّیْ وَجَّهْتُ وَجْهَیْ لِلَّذِیْ فَطَرَ السَّمٰوٰتِ وَالْاَرْضَ حَنِیْفاً وَ مَا اَنَا مِنَ الْمُشْرِکِیْنَ » آیت کریمه سنی و « اَللّٰهُمَّ هَذَا مِنْکَ وَلَکَ اَللّٰهُمَّ اِنِّ صَلَاتِیْ وَنُسُکِیْ وَنَحْیَایْ وَمَمَاتِیْ لِلّٰهِ رَبِّ الْعَالَمِیْنَ لَا شَرِیْکَ لَهٗ وَبِذَٰلِکَ اُمِرْتُ وَ اَنَا مِنَ الْمُسْلِمِیْنَ » دعاسنی او قویوب (الله اکبر الله اکبر لا اله الا الله والله اکبر الله اکبر والله الحمد بسم الله الله اکبر) دیدکدن صکره تأخیر سنزو آراسنی بر شیئله آیرمه سزین بو غا زله مق لازمدر . (بسم الله والله اکبر) یا خود (بسم الله) یا خود (سبحان الله) یا خود (لا اله الا الله) دیسه هپسی جائزدر . لکن (جوهره) ده (بسم الله الرحمن الرحیم) دیمک حسن یعنی کوزل (بسم الله) دیمک احسن یعنی دها کوزلدر بیورلدی . (وحدتی وردالمختار) و قربانی کسر کن قربانک جمیع اعضا و اجزاسی مقابلنده کندی وجودینک کافه اعضا و اجزاسنک جهنمدن آزاد و خلاص اولسنه نیت ایلہ مک مستحبدر . و کسیدکدن اول و یا صکره « شَعْرُهُ وَصُوفُهُ فِدَاءٌ لِشَعْرِیْ مِنَ النَّارِ وَ جِلْدُهُ فِدَاءٌ لِجِلْدِیْ مِنَ النَّارِ وَ دَمُهُ فِدَاءٌ لِدَمِیْ مِنَ النَّارِ وَ لَحْمُهُ فِدَاءٌ لِلْحَمِیْ مِنَ النَّارِ وَ عَظْمُهُ فِدَاءٌ لِعَظْمِیْ مِنَ النَّارِ وَ عُرْوَقُهُ فِدَاءٌ لِعُرْوَقِیْ مِنَ النَّارِ » حدیث جلیل حکمت دیلنی او قوملی و یا خوده آلا سویله ملیدر .

یعنی یارب ی اسماعیل علیه السلام قربانی کندیلر یچون فدا اولدینی کبی بوقربان ایتدیکم حیوانک قیلی ، یوکی ، دریمی ، قانی ، آتی ، کیمکی ، طمرلری وجودمده اولان بومذ کورات و جمیع اجزا و اعضام مقابلنده فدا اولسون یعنی بوقربان سببیلہ بنی جهنمدن آزاد ایلہ دیملی و بویله جه نیت ایلملیدر . اصحاب کرام (رضی الله عنهم) حضراتی یارسول الله بو آزاد وفدا سزه مخصوصمیدر بیوردقلرنده افندمن کافه اتم ایچون قیامته قدر باقیدر بکابونی ربم (جل شانہ) حضرتلرندن جبرائیل علیه السلام خبر ویردی بیوردینر . ذبح اثناسنده واجب تعالی و تقدس حضرتلری بسمله شریفه یی واجب قیلدینی اولوم هرشیدن زیاده آجی و ذکرا لله هرشیدن طاتلی اولدیغندن ذبح وقتنده اول حیوان ذکر اللهی یعنی بسمله شریفه یی ایشیدوب اولوم آجیسنی طویمیه رق ذکرک لذتیلہ مستغرق اولوب دائماً اولومی تمی ایلہ مسی ایچوندر و اول حالده تحسیر ایدوب (آخ آخ واطیبا واطیبا) دیسه می لذت ذکر دندر دیدیلر . لکن ذبحک ظاهری (رحمة الله) مناسب اولدیغندن و اذا کبی اولدیغندن هر تقدیر بسمله شریفه نک ذکر ایلہ عین رحمت اولمش ايسده ذبح وقتنده (رحمن) و (رحیم) صفتلرینی ترک ایتک افضل و مستحب اولدی . (تفسیر حنفی) و (طحطاوی) و (وجیز)

﴿ قربانی کسدکدن صکره مستحب اولان شیر ﴾

قربانی کسدکدن صکره « فَاِذَا ذَبَحْتُمْ فَالْقُوا مَا فِیْ اَیْدِیْکُمْ مِنَ السَّکِیْنِ ثُمَّ اَرْکَعُوْا رَکْعَتَیْنِ مَا رَکَعَهُمَا مُسْلِمٌ وَ سَأَلَ اللّٰهُ تَعَالٰی شَیْئاً اِلَّا اَعْطَاهُ اِیَّاهُ » [۱] حدیث شریفه امتثالاً ایکی رکعت نماز قیلوب ﴿ اَللّٰهُمَّ هَذَا

[۱] معنای شریفی : قربان کزی کسدیکزده کمش اولدیغکز بجاغی الکزدن برافک صکره ایکی رکعت نماز قیلک مسلملردن هانکی کیمسه بو ایکی رکعت نمازی قیلرده الله تعالی حضرتلرندن برشی ایسترسه الله تعالی حضرتلری البته او کیمسه به ایستدیکدی و بر دیمکده .

الْكَبْشُ { یاخود { هَذَا الْبَقْرُ { یاخود { هَذَا الْمَغْزُ { مِنْكَ وَلَكَ
وَالَيْكَ فَتَقَبَّلْ مِنِّي بِطُفْئِكَ وَكَرَمِكَ كَمَا تَقَبَّلْتَ مِنْ إِبْرَاهِيمَ خَلِيلِكَ
وَإِسْمَاعِيلَ ذِي بَيْحِكَ وَ مُحَمَّدٍ حَبِيبِكَ بِفَضْلِكَ وَجُودِكَ وَكَرَمِكَ يَا
أَكْرَمَ الْأَكْرَمِينَ { دعاسنی او قویوب مطلوبی ایسته ملی حاجتتری قضا
اوله جغنی فخر عالم (صلی الله تعالی علیه وسلم) افندمز خبر ویر دیلر. (ضیاء معنوی)
حضرت رسول اکرم افندمز ذبحدن صکره { اَللّٰهُمَّ تَقَبَّلْ هَذَا مِنْ
أُمَّةٍ مُحَمَّدٍ يَمْنَنُ شَهِدَكَ بِالْوَحْدَانِيَّةِ وَلِيَّ بِالْبَلَاغِ { بیوردی . (داماد)
﴿ قربان اتینک تقسیمی ﴾

دوه وصیغر مشترک کسیدلکده (ربا) دن احتراز ایچون اتینی تخمیناً تقسیم
ایتمک جائز اولماز. زیرا بونده تملیک معناسی وارد ات ایسه اموال ربانددر.
بوصورتده تملیکی جائز اولماز. زیرا حلال الاشقی ایله رباحلال اولماز.
وتقسیم قبول ایدن مجهولک هبه سی دخی صحیح اولماز.

چونکه ات وزنیدر وزناً تقسیم اولنور. تخمیندن صکره حلال الاشقه لر
ینه جائز اولماز. (ردالمحتار وزخیره وغیرهما)

لکن تخمیناً تقسیم ایدرکن ات ایله برابر حصه لرنده دری ویاخود آیاق
وباش و جکرو یاخود یاغندن و کریشندن برشی اولورسه بوصورتده تخمیناً تقسیم
جائز اولور. (قاضیخان وغیرها)

اگر عدم جواز صورتنده تخمیناً تقسیم ایتمه لر قربان و واجب اداء
اولورسه ده کنه کار اولورلر توبه واستغفار لازم کلور.

وتقسیم ایتمه دن جمله مشترک اتینی پیشیروب بیسه لر جائزدر. برکیمسه کندیبی
وزوجه سی و بیوک چو جقلری ایچون قربان ایتمک نیتیه بر صیغر آله ظاهر

اولان اتینی تقسیم ایله مک شرط قلناز. زیرا قرباندن مقصود اصلی قان
آیت مقدر. اول مقصود ایسه ذبح ایله حاصل اولور.

(خلاصه الفتاوی) و (فتاوی فیضیه) ده قربان صاحب لری بخیردر
دیلر لسه تقسیم ایدرلر. یاخود تقسیم ایتمه دن تصرف واستعمال ایدرلر
بیورلدی.

لکن مشترک کردن بعضیسی فقیر و (نادر) کی قربانی کندی اوزرینه
واجب قلمش اولورسه کندی حصه سی تصدق ایچون آیرمق لازم کلور.
بومسئله لرک حاصلی : تقسیم مراد ایدیلورسه تقسیمک شرطی بیاندن
عبارتدر. اگر تقسیم مراد اولماز ایسه حد ذاتنده تقسیم شرط دکلددر
بدکه جائزدر. (ردالمحتار)

لکن تقسیم ایدرک حصه لرینی اوج بلوک ایدوب برینی صدقه، برینی هدیه،
برینی عیالنه نفقه ایتمک افضل و مستحبدر. زیرا قربان ایله انتفاع اوج درلودر
(۱) اوچده برینی تصدق یعنی فقرایه و یرمک (۲) اوچده بریله اقر.
واصدقاسنی ضیافت ایتمک وانلره هدیه ایلمک (۳) اوچده برینی ده نفقه لری
اوزرینه واجب اولان اولاد و عیالنه و بشقه سنه زنکین اولسون فقیر اولسون
یدیرمکدر. (بدایع)

قربانک اتینی زنکینلره و فقیرلره و مساکملره و ذمیلره هبه ایتمک
جائزدر. (غیاثیه)

و کلیسی تصدق ده جائزدر. و هپسینی نفسی ایچون حبس ایدوب بر فرده
اصلا برشی و یرمکده جائزدر. و طوبی نفسی ایچون جمع ایدوب قاپلره
و کوپلره قویمقده جائزدر. لکن یدیرمک و تصدق ایتمک افضلدر.

شوقدرکه قربان ایدن کیمسه عائله کثیره صاحبی اولوب حالی وسعتلی
اولمازسه بو تقدیرجه خانه سنده وسعت اولسون ایچون تصدق و هدیه یی

ویدیرمکی ترك ایدوب آنجق خانه سی اهل و خلقتنه یدیرمك افضل
و مستحبدر . (هندیه ، بدایع ، طحطاوی)

بویان اولنان عوام شانیدر . زیرا سابقین قربانندن برلقمه ایله افطار
ایدوب ماعداسنی تصدق ایدرلر .

انسانلردن مؤمن و مؤمنه اولانلرك درجه سی اوچدر . عوام ، مقتصد ،
سابقیندر جناب حق جمله مزى سابقین زمره سنه الحاق ایلیه آمین .

وقربان مشترکلرندن بری قربانی کسمه دن اولسه وارثلرندن بیوکیك
اذنیله کسیدکده میتدن وسائر مشترکلردن صحیح اولور . (هندیه)

برروایتده جمله سی کیر اولق لازمدر . وبرروایتده بری کیر اولسه
کافیدر . (معراج الدرایه)

بومسئله دن آکلاشلدیغنه کوره برکیمسه اولدکده قربانی میراث مالی
اولوب وارثلره انتقال ایدر . وارثلر کندی نفسی ایچون کسمه لر جائز
اولور . (نظم زندوسی)

لکن برکیمسه قربان کونلرنده قربانی کسمه دن فوت اولوب وارثلرك
بعضیسی صغیر و صغیره اولسه لر اکر چو جققلر نصابه مالک ایسه لرو صیلری

اذنیله اول قربانی بوغازلسه لر مرادلری اوزره صحیح قربان اولور .
واکر نصابه مالک دکل ایسه لر صحیح اولماز . عادات اولور . (هندیه)

مثلا اوچ کیمسه بر صغره مشترک اولوب بریسی یدی حصه دن اوچ
حصه سنه وایکیسی ایکیشر حصه سنه مشترک اولسه لر اوچ حصه صاحبی

اولان اولکی آدم فوت اولوب برکوچك اوغلی وبرکوچك قیزی ترك
ایتدکده و صیلری اذنیله اول قربانی بوغازلسه لر اکر کوچکلر مال

موروثرلردن نصابه مالک اولورلر ایسه قربان صحیح اولور نصابه مالک اولمازلر
ایسه عادات اولور . (هندیه)

آتی نیمه ین قربان بیانده در

آتی نیمه ین قربان سکزددر . (۱) نذر قربانیدر .

بو قربانی نذرایدن کیمسه ونذرایدن کیمسه نك اصولی و فروعی و عیالارندن
واقربالردن نفقه سی اوزرینه لازم اولانلر و ذمی اولان خرسه تیالرو و زنکیلریمك
جائز اولماز .

اگر یرلر ایسه اول مقداری نذرایدن کیمسه فقرايه تصدق ایتك
لازم کلور اول قربانی آنجق فقرايه تصدق ایتلی یا خود یدیرمکیدر . (هندیه)

لکن نذر ایله مراد نذر ایدوب اوزرینه واجب قیلماق دیمکدر . زیرا
نذر ایکی قسمدر . بر قسمی قربان صاحبی (ایام نحر) ده اوزرینه واجب

اولان قربانی خبرویرمك قصدیله الفاظ نذری تکلم ایدوب نذرایتمکدر .
بوناذر زنکین ایسه آنجق بر قربان لازم کلور . و اتیندن یمك ویدیرمك

جائز اولور . و اکر نذر ایتدیکی وقتده فقیر اولوب (ایام نحر) حیقمه دن
زنکین اولسه ایکی قربان کسمك لازم کلور . بری نذر دیکری ایام نحرده

واجب اولان قرباندر . نذر ایچون کسدیکنی فقرادن باشقه سی و کندیسی
یمك جائز اولماز .

ایکنجیسی نذرایدن کیمسه (ایام نحر) ده اوزرینه واجب اولان
قربانندن خبرویرمك قصدی اولمیه رق ابتداء نذر مراد ایله مکدر .

بو قربان واجب و اتینك تصدق دخی واجبدر . ناذره و آل و اولادی
واجدادی و کافه نفقه سی اوزرینه واجب اولانلره آنك اتیندن یمك جائز

اولماز . (ردالمحتار)
(۲) فقیرلرك قربان نیتیه آلدقلى حیواندن اکثر علما عنده کندیلری

ونذر قرباننده بیان اولانلر یمك تحریماً مکروهدر . نذر کیدر . و بعض
علمایه کوره دیلی ایله نذر قصدایتدکجه یر و مراد ایتدیکنه یدیرر . (خلاصه)

لكن قربانه نيت ايتمهرك آلدیغنی واولدن ملكی اولانی وسائر جهته ملك اولدیغنی کندیسى بیر و آخره ییدیره بیلور . (قهستانی)

زیرا فقیر کندی حیوانلرینک یاوریسى منملو ملكی اولان حیوانی و قربانه نیت ایتمهرك آلدیغنی وسائر بر جهته ملك اولدیغنی قربان کونلرنده قربانه نیت ایدوب کسه واجب اولماز بلکه سنت دخی اولماز . تطوع اولور ، سنت اولور دینده واردر (وحدتی و بدایع)

اما قربان ایتک نیتله آلدیغنی واجب اولور . قاضی بدیع الدین حضرتلرینه فقیر قربان ایچون برقیون آلسه کندیسى اول قیوندن یمک حلال اولور می دیو سوال ایتدکلرنده اوت حلال اولور بیوردی . (ردالمحتار)

(۳) میتک حال حیاتنده ایتدیکی امر اوزرینه اولدکن صکره ثلث و انسدن ایدیلن قربانی وارثلری یمزلر . وزنکیملره یدیرمزلر . آنجق فقرایه تصدق ایدرلر . (وحدتی)

علمادن بعضیلری میتک حال حیاتنده کی امریله اولان قربان مطلقایمیز تصدق واجبدر بیوردیلر . و (صدر الشریعه) عندنده مختار اولان بودر . (ابن عابدین)

اما امر سزا اولان یعنی اولدیکندن صکره وارثلرینک کندیلکلرندن کسیور دکلری قربان ینور و یدیریلور . لکن تصدق افضلدر . زیرا بر کیمسه میته قربان ایدیورسه کندی قربانی کی اکل ایدر . و باشقه سنه یدیرر . ثواب میتک و لك ذابحکدر . حتی بو قربان ایله ذابح اولان کیمسه کندی اوزرنده واجب اولان قربانک اداسنه نیت ایلسه و ثوابی میته هبه ایا ایکی مراد حاصل اولور . یعنی ثوابی میتک اولور . و اوزرندن واجب ساقط اولور . بوتقدیرجه نفسنک قربانک ثوابی میته هبه یه نیت ایلمکده جائز اولور .

حاصل کلام میتک وصیتیه مالک اوچده برندن یاپیلان قربان میتک ملکیدر . ایتی تصدق لازمدر . یعنی مال میتک اولورسه ینمز . (ردالمحتار)

(۴) صینک مالندن ایدیلن قرباندن صبی یرباقی قالان ات صبی ایچون عینیه انتفاع اولنان برشیئه تبدیل اولور . تصدق اولتماز . (مفتابه) اولان عیالی و آناسی و باباسی ییه مزلر . لکن باباسنک مالندن صبی ایچون ایدیلن قربان ینور و یدیریلور . (وحدتی)

بعضیلر صینک عیاله و خادمه یدرمک جائزدر دیدیلر . و آناسی و باباسی ده یمک جائزدر دینلرده واردر .

(۵) قربان کونلرنده کسیلمیوب وقت کچدکن صکره عینیه تصدقی لازم کلن قربان ینمز تصدق اولور .

وا کر قربان طغورسه اصح اولان اول یاوریسى یادیری اولدیغنی حالده یاخود کسیلوب تصدق ایدمک قربان کسن کیمسه فقیر ایسه واجب ، زنکین ایسه مستحب اولور . واکر یاورى بی یرایسه یاخود صاتار ایسه قیمتی تصدق ایدر . (ردالمحتار)

(۶) مشترک اوله رق قربان ایدنلرک بعضیسى ادایه و بعضیسى قضایه نیت ایدرسه اول قربان دخی ینمز تصدق اولور .

(۷) بر کیمسه یه قربانمی کسیور دیو امر ایدوب اول دخی کسدکن صکره بسمله بی قصداً ترك ایلدم دیسه قربانک قیمتی کسیورن کیمسه دن لازم کلور . بوپاره ایله آلتان قربان ینمز تصدق لازمدر . (درالمحتار)

(۸) { عقیقه نامیله کسیلن قربان ینمز } یعنی چو جق دنیا یه کلدکن صکره یدنچی کونی اسم تسمیه ایتک مستحبدر . ویدی کوندن اول تسمیه ایدلسه جائزدر .

و ائمه ثلاثه عندنده یدنچی کونی باشی طراش ایدوب حاصل اولان صاحبی آلتون ویا کوش ایله طارتوب تصدق ایدر .

وینه اول کون جامع محبوبی عندندۀ مباح وامام طحاوی عندندۀ تطوع اوله رق عقیقه نامیلہ قربانہ الویریشلی قیونندن بزم مذہب مزده چوجق اوغلان اولسون قیز اولسون برقیون قربان ایدر . واتنی پیشیرمہ دن ویایشیردکن صکرہ فقراہ تقسیم و تصدق ایدر .

و دعوت ایدوب فقیرلرہ ییدیرمکہ جائزدر کیملرینی قیرمق و قیرماق جائز و مساویدر . و بوقربان امام مالک عندندۀ لازمدر . وامام شافعی وامام احمد ابن حنبل حضرتبری ارکک چوجقده ایکی وقزده برقربان کسمک سنت مؤ کده در بیوردیلر . (غررالافکاروردالمختار)

ا کریدنچی کون کسه من ایسه اون دردنجی ویایکرمی بر ویایکرمی دردنجی کوننده کسر . و بوقربان بعض علمایه کوره منیدر .

لکن اکثر علمامزہ کوره مستحیدر . و صینک صالح و مطیع اولسنه سبب و آناسنه باباسنه اطاعتی و شفاعتی بوقربانہ موقوفدر . و چوجقک سلامتہ تفال ایچون کیملرینی قیرماق مستحیدر .

و متواضع و حلیم اولسنه تفال ایچون قیرمالیدردینده وارددر و اتینک برمقدارینی پیشمہ دن ویایشیردکن صکرہ اہہ خاتونہ و یروب باقیسنی فقراہ تصدق ایتلی بیوردیلر . (مشکوٰۃ الانوار و مرشد الانام)

﴿ مسائل متفرقه ﴾

اتندن یمک جائز اولان قربانلری کسدکن صکرہ اتینی تصدق واجب اولماز . ا کر تصدق واجب اولسه ایدی فقرانک حققی ابطال دیمک اوله جغندن یمک جائز اولماز ایدی .

و هر قربان کہ آندن یمک جائز اولماز . کسدکن صکرہ اتینی فقراہ تصدق واجب اولور . زیرا یمک جائز اولیوب و تصدق دخی ایتسه مالی ضایع ایتمش اولور . (طحاوی)

قربانی آلدقن صکرہ قربان ایتمه مانع اوله جق برعیب عارض اولسه زنکینلرہ بردها آلمق لازم کلور . فقیرلرہ لازم کلز عیبیلہ برابر کسمک جائزدر . و فقیرک قرباننده هر نقدر آلمازدن اول عیب وار ایسه ده قربان ایتسی صحیح اولور . و قربان آلمغه نیت ایتمه فقیرہ قربان آلمق واجب اولماز . (هدایہ و تنویر و خلاصہ)

و مجرد شوقیونی قربان ایدیم دیوقلبندن نیت ایلسه لسانیلہ سریله مدجہ یینه واجب اوله رق کسمک لازم کلز . زیرا زنکین و فقیر شوقیونی قربان ایدیم دیو نیت ایلسه لر لسانلریله ذکر ایتدجہ واجب اولماز و زنکینلرہ ، قربانی آلیرکن قربان ایتمه نیت ایلسه لر دخی واجب اولماز .

آنحجق شرع شریف ایله وقتک دخولی سبیلہ واجب اولوب وقتک تکرریله وجوب تکرر ایدر حق قربانلری آلدقن صکرہ صاتوب اولکندن فیثاتی و ذاتی ادنی برقربان آلسه لر جائزدر و فضله قیمتنی تصدق لازم کلز لکن فقیر قربانی آلیرکن قربان ایتمه نیت ایلسه « خواهر زاده » اصحابمزنک ظاهر روایتلرنده واجب اولماز دیدی ایسه ده « طحاوی » واجب اولور بیوردی . وامام حلوانی لسانیلہ ذکر ایدرسه واجب اولور دیدی . فقیر ، آلدینی قربانی صاتسه ظاهر روایتده جائزدر .

لکن برینسه بر دخی الملق لازمدر . و آلدینی اولکیدن اعلا یا خود اولکی یه مماثل اولمق لازمدر . و اکر صکرہ آلدینی اولکیدن ادنی و فیثاتده نقصان اولورسه بینلرنده اولان فرق و فضله قیمتنی تصدق لازم کلور . (محیط) و لکن قربانی آلدقن صکره ضرورتسنر صاتم و تبدیل ایتک مکرو هدره . (ابن عابدین)

و قربانی بوغازلرکن اولان عیب برندن قالدیرمدقجه ضرر و یرمزوا کر کسمزدن اول قالدرسه قربان اولوب اولمیه جغنده اختلاف ایدمش ایسه ده اصح اولان قربان اولور . (مفتاح)

اگر بردخی آلورلر سه زنکینلر آلورلر فقیرلر آلمازلر . و قربان ضایع اولسه یعنی اولسه یا خود غائب اولسه و یا خود چالسه و یا خود قربانه مانع اولان عیبلردن بریله عیب لانه زنکینلر بردخی آلورلر . و آلمق لازم کلور لکن فقیرلر آلمازلر . و آلمق لازم کلز . (ردالمختار)

و اگر بردخی آلورلر ضایع اولانده بولوب کسه اکثر علمایه کوره زنکین بریسی کسمک کافیدر . و مخیردر هر هانکیسی کسه جائزدر . فقیره ایکسی ده کسمک لازم کلور . (ردالمختار)

لکن فقیر صکره آلدیغی اولکی یه بدل اولمق نیتله آلدی ایسه یالکز اولکی یی یا خود بوا یکیدن دیله دیکنی قربان ایدر . ایکسی بر دن کسمک لازم کلز . (هندیه)

اگر قربان ایده جک حیوان بولمز سه دائم آلدقلمی و امید ایتدکلمی محملردن آرامق لازم اولور . (قنیه)

و دکر فیثاتی اولان قیمت ایله بولمز ایسه (غبن فاحش) ایله آلدانه رق المق لازم کلز . (منیه)

و فقیرک قربانی کسمه دن طغور سه یاوریسی اناسیله برابر کسمک لازمدر . زیرا فقیر قربانه نیت ایله آلدقده اول قربانک ذاتی کسمکه تعیین ایلدی و بونیت یاور سنه دخی سرایت ایلدی کندن اول یاوری یی دخی کسمکه تعیین ایله مش اولدی بیوردیلر . لکن زنکینلر ایچون یاوری یی بوغازله مق لازم کلز . (محیط)

بعضیلر فقیر قربانی آلمق سببیله کندیمی اوزرینه واجب قیلدی آنک ایچون فقیره یاوری یی دخی کسمک لازمدر . زنکینه قربانی (شارع) تعالی و تقدس حضر تلمی واجب قیلدیفندن یاوری یی کسمک لازم اولماز بیوردیلر . (ابن عابدین)

و بعض علما زنکین دخی اناسی و یاوریسی کسر ولکن یاوریدن یمز و اگر یرایسه قیمتی تصدق ایدر . دیری اولدیغی حالده یاوری یی تصدق ایتک مستحبدر دیدیلر . (درالمختار و قاضیخان)
(فتاوی هندیه) ده اگر قربان بر یاوری طغور سه اول یاوری اناسیله برابر کیلور بیورلدی .

بومسئله ده اکثر کتب فقیه ده یاورینک کیلمه سنی فقیره تخصیص ایلدیلر . و بعض کتابده مطلق ذکر ایدوب فقیره و زنکینه تعمیم ایلدیلر . یالکز زنکینه تخصیص ایدنده وارددر .

فقیرک آلدیغی قربان (ایام نحر) ده اولوب قارنندن یاوریسی دیری حقیقه اول یاوری یی استیساناً تصدق ایدر . (هندیه)

اگر زنکین یاوری یی قربان کونلرنده آناسندن اول یا خود صکره کسه جائزدر . و کسمیوب (ایام انحیه) ده دیری اولدیغی حالده تصدق ایله جائز اولور .

لکن (منتقی) ده یاوری یی ایام نحرده صاغ اوله رق تصدق ایدر سه اوزرینه قیمتی دخی تصدق لازم کلور . و اگر ایام نحرده یاوری یی صاتار سه پاره سنی تصدق ایدر . و اگر صامیوب و کسمیوب ایام نحرده صکره یه قالدقده دیری اوله رق تصدق ایدر بیورلدی .

و یاوری یی آناسیله برابر کسدکده ایکسندنده یر ویدیرر . امام اعظم حضر تلمی یاوری ینمز وینور سه یدیکنک قیمتی تصدق ایتک لازم کلور . و یاوری دیری اولدیغی حالده تصدق بکا محبتیلدر بیوردیلر . اگر یاوری ضایع اولور سه یا خود کسوب یرایسه قیمتی تصدق ایدر . و اگر یاوری طوروب کله جک سنه ده ایده جکی قربان ایچون کسه جائز اولماز . اوزرینه دیکر بر قربان آلوب کسمک لازم کلور . و شاید بو یاوری یی کسیدده کسلمک سببیله قیمتی نقصان اولدی ایسه نقصان اولان قیمتیه مذبح اولدیغی حالده تصدق ایدر . (فتاوی قاضیخان) ده فتوی بونکله در . (هندیه)

قربانك دريسنك اوج حالي واردر . تصدق ، استعمال ، تبديل ، افضل و متفق عليه اولان و كراهتن سالم بولان قربانك دريسني (اتباع الرسول الله)، (رضاء الله) برفقيه (تصدق) ايتليدر . زيرا دري قرباندن جزؤدر .

امام ابو يوسف حضرتلري { مِنْ بَاعَ جِلْدَ أُخِيَّتِهِ فَلَا أُخِيَّةَ لَهُ } حديث شريفه استدلال بيوره رق قربانك دريسني وقف اولان شيلر كي اصلا صاتمق جائز اولماز بلكه بيعي باطل اولور ديدلر .
ياخود اول دري بي طغارجق و مست و دوشك و كورك و كيسه و قير به و سفره و قوغه كي شيلر ياپوپ قربان صاحبي و سائرلري حسي استعمال ايتكده جائز .

اگر اجرت ايله و بر سهلر اجرتي تصدق ايتك لازم كلور . و ياخود اول دري بي قابور و البسه و تنجره و طوه و بالطه كي بقاسيله انتفاع اولنان شيلردن بر شيئه (تبديل) ايتك دخي استحسنانا جائزدر .

و بو بدللري كندوسي و بشقه سي حسي استعمال ايدرلر لكن سره و صابون و طوز و ات و سائر ينيلور شيلر كي هلا كيله انتفاع اولنان بر شيئه تبديل ايتمز . اكر بومذكور مثاليه قربانك دريسني تبديل ايلسه اول شيئي فقرايه تصدق ايدر . و اول دري بي نفسنه و عياللرينه نفقه ايچون ياخود مالي چو غالمق قصديله تجارت ايچون اچه ايله صاتمق جائز اولماز .

«محيط» ده عياله انفاق ايچون اولميه رق پاره سني تصدق ايتك اوزره دري بي اچه ايله صاتمقده باس يوقدر بيوردی . زيرا امام اعظم ايله امام محمد حضرتلري عندلرنده دري قربان صاحبنك ملكي اولوب تسليمه قادر اولديغندن كراهتله اول دري بي صاتوب آچه سني تصدق ايتك جائزدر . چونكه صاتبدقن صكره قربت و عبادت دريدن بدله يعني صاتيلاان اچه به انتقال ايدر .

حديث شريفده اولان نهی بيعك كراهتن و قربانك عدم كالف افاده ايدر . عدم جوازيني افاده ايتمز . زيرا ذات بيعه ملك و قدرت و تسليم قائم اولديغندن (عندالطرفين) بيعي جائز اولدی .
لكن امام ثاني حديث شريف بيعك عدم جوازيني افاده ايدر . قربانك دريسنك بيعي باطلدر بيوردی .

و اول دري بي امكي قابلنده كسن كيمسه به و يرمكده جائز اولماز . قربانك ياغي و آياقلى و باشي و يوكي و قيلي و كسيلا كدن صكره صاغيلان سودينك دخي آلتون و كموش و ينور شيلر كي هلا كيله انتفاع اولنان شيلره صاتيله سي جائز اولماز ، و اتنده اوج قول واردر .

اصح اولان جميع احكامده دريسي كييدر ، دريده جائز اولان اتده دخي جائز اولور . لكن قربانك اتيني و ياغي ينور شيلره صاته رق اول شيئي يدكده قيمتنی تصدق لازم كلز .

مثلا قربانك اتني اكمكه ياخود اته صاتوب ييمك جائزدر .
بومسئله ده اصل بودر كه ما كولي ما كوله و ما كول اولميان شيئي ما كول اولميان شيئه صاتمق جائز اولور . لكن يينمه ين شيلري يين شيلره و يين شيلري يينمه ين شيلره صاتمق جائز اولماز .
(هنديه و ردالمحتار و غيرها)

اگر قربانك اتني زكات نيتيله فقيره و ير سه زكات اوله رق صحيح اولماز لكن برزنكينه و ير سه اول زنكينه زكاتنه و ير سه صحيح اولور . (منتقى)

﴿قربانك كسمه نك وقتي﴾

ذی الحجه شريفه نك اوننجي كوني شفقندن اون ايكنجی كوني كونش باتمازدن اوله قدر .
اون ايكنجی كون كونش باتدقندن صكره جائز اولماز . اكر كونش باتدقندن صكره بوغازلر ايسهلر قضا اولور . ادا اولماز . (محيط)

قربانه مخصوص ایام بزم مذهبمزده اوج کون ایکی کیجه در . قرانلق
سببيله یا کاشاق وقوع بولسی خوفدن ناشی بویکی کیجهده قربان کسمک
کراحت تنزییه ايله مکر و هدر .

امام شافعی مذهبنده درت کون قربان کسمک تجویز بیورلدی لکن
شهرده یعنی جمعه و بایرام نمازلرینک شرائطی موجود اولوب اداء اولنان
یرلرده ذی الحجه شریفه نك اوننجی کوننده ارکک و خاتون قربانی کسمه دن
بر محله اولسون بایرام نمازی قیلنمش اولق شرطدر .

زیرا قربانک اول وقتی شهرده و کویده هر نقدر فجر صادق طلوعی
وقتی ایسه ده لکن شهر اولان یرلرده بایرام نمازینی قربانک ذبحی اوزرینه تقدیم
ایتمک شرطدر انکچون نمازدن اول کسمک جائز اولماز .

اگر محله مسجدنده نماز قیلندقدن صکره جامع کیرده قیلنمزدن اول
کسمه استحساناً جائز اولور . واکر نمازده تشهد مقداری اوطوردقدن
صکره کسمه لر ظاهر روایتده جائز اولماز . امام ثانیدن بر روایتده جائزدر
لکن کتولک ایتمش اولور .

بو مسئله نك نیجه سی برنجی کونده زوال وقتی کیرمزدن اول بایرام
نمازی قیلنمدی ایسه قربانی بوغازله مق جائز اولماز . لکن زوالدن صکره
برنجی کونده ، وایکنجی و اوچنجی کونلرک زوالدن اول و صکره بایرام
نمازینی قیلنمزدن اول و صکره قربانی کسمک جائزدر .

زیرا نماز ايله قربان ییننده ترتیب اداده شرطدر . قضاده شرط دکلددر .
و برنجی کونک زوالدن صکره قلنان بایرام نمازی قضا اولور . زیرا بایرام
نمازینک وقتی بایرامک برنجی کونی کونش برویا ایکی مزراق بوی یوکسله رک
کراحت وقتی چیققدن صکره زوال وقتنه قدردر .

اگر قربان صاحبی کویلی ایسه قربانی دخی کویده ایسه بایرامک برنجی
کونی شفقدن صکره کسمک جائزدر .

بومسئله ده اعتبار قربانک بولندیغی یره در . صاحبنک بولندیغی محله
دکلددر .

شهر لیلر قربانلرینی بایرام نمازدن اول بوغازله مق ایچون کویه کتورسه لر
یا خود سفره کیدرکن نمازی سفری قیلنق جائز اوله حق یره قدر شهرک
طشره سنه چیقارسه لر فجر صادق طلوع ایتدکدن صکره بوغازله مق جائز
اولور . اول محله بایرام نمازی واجب اولمديغندن نمازدن صکره یه تأخیره
حاجت مس ایتمز . (ردالمحتار و هندیه و غیرها)

اگر قربانی بایرام نمازدن صکره خطبه دن فارغ اولمازدن اول بوغازله سه لر
جائزدر . لکن امام حسن روایتده کتولک ایتمش اولور لر .

واکر عرفه کونی زوالدن صکره ذبح ایلسه لرده ذبحدن صکره اول
کون بایرام اولدیغی تبیین ایتمه بزم مذهبمزده وقتنده اداء ایدلمش اولدیغندن
جائز اولور .

واکر زوالدن صکره اول کون بایرام اولدیغی اثبات اولنسه اول کون
قربان کسمک جائزدر . لکن نماز ایرتسی کون یعنی اون برنجی کون اداء
اولنور .

و تطوع اوله رق کسین قربان و حرم شریفک غیری بر محله هدیه اولنان
(نذر غیر معلق) و میت ایچون کسینه جک قربان زمان و مکانه مخصوص اولمایوب
هر زمانده و هر مکانده کسینک جائز اولور . لکن بایرام کوننده کسمک
افضلدر . (طحطاوی)

زیرا (نذر غیر معلق) زمان و مکانه و در همه مخصوص قیلنماز . هر نقدر
بونلر معین اولور لر سه ده مخالفت جائز اولور .

مثلاً جمعه کونی مکّه مکرمه ده شو پاره یی فلان فقیره و یرمک اوزرینه
لازم اولسون دیدکده بوکا مخالفت ایدوب جمعه ایرتسی کونی قسطمون
فقراسندن برینه اشارت اولنان پاره نك غیری برپاره و یرمک جائز اولور .
لکن اضحیه نامیله نذر اولنان قربانک کیلمه سی (ایام نحر) ۵ تعیین ایدر .

وهديه وهدى ناميله نذر اولنان قربانك ذبحى حرم شريفه مخصوص صدر .
اما (نذر معلق)، مكان و درهم و فقيرك تعين ائتمه مه سنده (نذر غير معلق)
كبيدر . لكن شرطك و جودى اوزرينه عجله ايدوب منذورى تقديم ايتك
جائز اولماز . فقط منذورك شرطدن تاخيرى جائز اولور . زيرا معلق غير
معلقه آنجق زماناً مخالفدر . (ردالمحتار)

شهادتله ثابت اولوب بايرام نمازى و قربان اداء اولندقدن صكره وقتندن
اول اداء ايلدكلى ظاهر اولسه نمازى و قربانى اعاده لازم كلز . شهادتسز
و شكاييله ادا اولنورسه اعاده لرى لازمدر . (زبلعى و وحدتى)
بايرام نمازىنى خطيب آبدستسز قيلسه و بوحالى ظاهر اولوب بيلنسه
اعاده لازم كلور . قربانى اعاده لازم كلز .

بعض علما جماعت طاغيلمديلر ايسه اعاده لازمدر . اكر طاغيلمديلر
ايسه نمازى دخى اعاده لازم اولماز بيورديلر . فتوى بوقوله در . (قاضى خان)

﴿ تمة ﴾

« عَقِيقَةُ مَوْلُودٍ » : چو جق دنيايه كلديكنك يدنجى كونى كسيلن قربان .
« خُرْسِ وَلَادَةٍ » : چو جق دنيايه كلنجه ايديلن ضيافت ايچون كسيلن .
« مَا دَبَّ خِتَانٌ » : چو جق سنت ايديلور كن ايديلن ضيافت ايچون كسيلن .
« وَكِبَرُهُ سَنَاءٌ » : يكي بنا ياپديرن كيمسه نك احبا و اقرباسنى ضيافت ايچون
كسيلن .

« نَعِيقَةُ قَادِمٍ » : سفر دن كان كيمسه يه تعظيماً كسيلن قربان .

« وَضَمَّةٌ تَعَزِيَّةٌ » : بر كيمسه اولدكدن صكره ماتم طعامى ايچون كسيلن
قربان ديمكدر . بونلرك هيچ بريسى سنت دكادر . (طحطاوى)

بلكه بعضيلرى مستحب يا خود مباح و بعضيسى منهيدير . اولجه بيان
ايتديكمز و جهله اكر بوقربانلر جناب حقك غيرى برذاته تعظيم و يا غرض
دنيا ايچون كسيلورسه منهيدير . (رضاء الله) دعوت و خير نيت ايدوب شريعتيه
موافق تصرف اولندقدن جائز اولور .

اما « طَعَامُ عُرْسٍ » كه نكاحدن صكره قومشو و اقرباسنى طويلانيوت
طعام حاضرله مق و قربان بوغازله مق سنتدر .

زيرا فخر كائنات (عليه اكمل التحيات) افندمن « اَوَّلُ لَمْ وَلَوْ بِشَاةٍ »
بيورديدر . يعنى برقيون ايله اولسون و ليمه جمعيتى دعوتى ياپك ديمكدر .

﴿ مسائل متفرقة ﴾

بر كيمسه اون قربان نذرايلسه مختار اولان كليسى كسمك لازم كلور .
بعض علما ايكي قيون لازم كلور بيورديلر .

لكن مطلق نذر ايدرك « لِلّٰهِ عَلَىٰ اَنْ اَذْبَحَ دَابَّةً » يعنى الله ايچون بر
حيوان كسمك اوزريمه لازم اولسون ديسه برقيون يا خود كچى كسمك لازم
كلور . (ردالمحتار و خلاصه و اخى چلبى)

بر كيمسه بر كيمسه يه برقيون (هبه) ايلسه اول كيمسه ده اول قيونك
قربان ايچون كسيلمسنى اوزرينه واجب قيلدق ن صكره هبه ايدن كيمسه
هبيه سندن رجوع ايدوب كيرو آلدقدن كنديسنه هبه ارلنان آدمه برقيون
آلوب كسمك واجب اولور .

بر كيمسه نك ايكي يوز درهم كوشى اولوب بش درهم زكاتى و يردكده
باقى قالان يوز طقسان بش درهمدن قربان واجب اولور . زيرا بو بش
درهم، زكات و قربته و عبادته صرف اولنديغندن هر نه قدر ظاهرده معدوم
ايسه ده حقيقتده، باطنده موجوددر .

اگر نفقه‌یه صرف اولنسه معدوم اولوب نصاب نقصان اولدیغندن
قربان واجب اولماز . (هندیه)

مال کثیری شریکی یدنده غائب اولان کیمسه‌نک خانه‌سی اشیایی
و آلتون و کوشدن قربان کسمکه اقتداری اولورسه قربان ایتک لازمدر .
(هندیه)

بورجفی اقرار ایدن مفلسده آله‌جفی اولسه بشقه‌سندن زکات آلمق
دندیسنه حلال اولماز . لکن اول مالک غیریسندن نصابه مالک اولمازسه
اول مال یدینه واصل اولدقجه قربان واجب اولماز .

بورجفی اقرار ایدن غنیده آله‌جفی اولان کیمسه‌یه یاخود مؤجلا
زمان آتیده آله‌جفی اولان ذاته ، قرضاً آنچه آلوب قربان ایتک واجب
اولماز .

وایام نحرردن صکره مال کندوسنه کلاکده قربانک قیمتنی تصدق دخی
لازم کلز . لکن قربانه کافی اوله‌جق مقدارینی ایسته‌مک لازمدر .

درت کیمسه علامتی ورنیکاری بر اوله‌رق درت قیون آله‌رقیونلرک
جمله‌سی بریرده محبوس ایکن قیونلرک ایچندن بری اولوب کیمک قیونی
اولدیغنی بیانمسه باقی قالان اوچ قیون صاتیلوب پاره‌لریله درت قیون آلتور .
بونندن صکره هربری یکدیگرینی ذبحه وکین ایدوب کسرلر . وهربری
آخره حقنی حلال ایتدکده قربانلری جائز اولور .

بر کیمسه صغیرینی کندی ایله کوچک چوجقلرندن اشتراک اوزره
بوغازله‌سه جائزدر . اما اولادلری بیوک ایسه امر واذنسنز جائز اولماز .
عادتاً اولور . (هندیه)

ولیکن (خانیه) ده باباسنه مطیع و تابع اولان اولاد کبارندن و عیالارندن
امر واذنسنز بابانک کسدیکی امام ابو یوسف عندنده استیجساناً جائزدر
بیورلدی . (تاتارخانیه)

صدقه فطر دخی بویله‌در . بر کیمسه کندی نفسیچون و اولاد و عیالی
ایچون صدقه فطر اداء ایتک اوزره بغدادی اولچوب بوندن صکره هپسنی جمع
ایدوب فقیره ویردکده جائز اولور . و یاخود اول بغدادیک قیمتنی جمله‌سنگ
صدقه فطری ایچون آیرمه‌دن و تقسیم ایتمه‌دن ویرسه جائز اولور .

لکن احوط اولان افراز و تفریق ایدوب ویرمکدر . (ابن عابدین)
وقادر اولان منزلت و قربت و کرامت و شفاعة نائل اولمق ایچون
(رضاء الله) حضرت فخر عالم (صلی الله تعالی علیه وسلم) اقدمز حضرتلری
ایچونده بر قربان کسمک مندوبدر .

زیرا حضرت علی (کرم الله وجهه) حضرتلری بری کندیسای ایچون
وبری رسول اکرم نبی افخم اقدمز ایچون اوله‌رق ایکی قوچ قربان ایدرلردی .
ورسول الله ذات رسالتلرندن قربان کسمکی بکا وصیت بیوردیله دیرایدی .
و حسن بصری (رحمه الله علیه) بن کوردم حضرت علی ایکی قوچ
قربان ایتدی و بکا رسول الله کندیلرندن قربان کسمکی وصیت بیوردی
بری بنم ، دیکری رسول الله کدر بیوردی دیدی .

و حضرت رسول الله کندیلرینه قربان واجب اولدیغنی سنه‌دن اعتباراً
آخرتی تشریف بیورنجیه قدر هر سنه ایکی بیاض قوچ یاخود آلاجه
قوچ قربان ایدوب بری کندی نفسم و اولادم ایچون و بری قربان ایتمه‌که
اقتداری اولمیان امتلیم ایچوندر بیوررلر ایدی . (شرح شرع و ابن عابدین)
و قربان ایچون ایکی قیون آلدقده بری ضایع اولوب برینی بوغازله‌دقدن
صکره ضایع اولان (ایام نحر) ده یاخود ده صکره کلسه زنکیلره بوغازله‌دق
و تصدق ایتک واجب اوله‌رق لازم کلز . (هندیه)

بر کیمسه طقسان غروشه بر قیون آله‌سه دیکریده یتمش غروشه بر صغیر
آلوب کسه‌لر و بر کیمسه ده یوز غروش تصدق ایتسه قیون صغیردن صغیرده
پاره‌دن افضلدر . (هندیه)

بلکه اوزرینه قربان واجب اولانلره دریسی طلوسی آلتون تصدق ایتمکدن برقیون کسوب قانی آقیمق خیرلیدر .

قربانی آلدقدن صکره بوغازله میوب وقتی کچسه فقیر ایسه آنجق اول قربانی تصدق ایدر . اما زنیکن ایسه ظاهر روایتده مخیردر . دیلرسه قربانی دیلرسه قیمتی تصدق ایدر .

لکن (صاحب بدایع) اصح اولان غنی دخی آنجق نفس قربانی تصدق ایدر . بزلر بو قولی اخذ ایدرز بیوردی .

واکر قربان آلدیلر ایسه فقیره برشی لازم گلر . زنیکنلره آنجق قربانه کفایت ایدن برقیونک قیمتی تصدق لازم کلور . (ابن عابدین)

قورت قیونک بوغازندن کسیله جک طمرلرینی قوپارسه کسمکه محل قالمدیغندن کسمکه حلال اولماز . (وجیز)

برکیمسه قیونک قارتی یاره رق یاوریسی دیری اولدینی حالد چیقاروب کسمه بوندن صکره اول قیونی دخی کسمه اکر اول قیون بو یاره دن صکره صاغ قالماز ایسه موته سبب یاره اولوب ذبح ، اولمادیغندن ذبح ایله حلال اولماز بیوردیلر . (هندیه)

غنا ، فقر ، حیوة ، موت حقنده وقتک آخری اعتبار ارنور . مثلاً وقتک آخرنده غنی اولسه واجب اولور . وقتک آخرنده فقیر اولسه واجب اولماز .

صبیه قربان واجبدر دین قوله کوره وقت چیقمه دن طوغان چوجنک مالی اولوب غنی اولورسه اول چوجغه قربان واجب اولور .

اما وقت چیقمه دن اولمش و فقیر اولمش کیمسه لر واجب اولماز . (ابن عابدین)

اوج کیمسه قربان ایچون اوج قیون آلسه لر ، مثلاً بری اوتوز غروشه دیکری یکریمی اون غروشه آلدقدن صکره اول قیونلر بر برینه

قاریشوب هیچ بری کندی قیوتی بیله میوب شک وشبهه اوزره بوغازله سدر اون غروشلق قیون اصابت ایتک قورقوسندن ناشی اوتوز غروشه آلا نه یکریمی غروش یکریمی غروشه آلا نه اون غروش تصدق ایتک لازم کلور . اون غروشه آلا نه برشی لازم گلر . (درالمختار)

یوقاریده قربانه مانع اولان عیبلر بحثنده بیان اولسان (جلاله) نام حیوان بعض زمانده علف و بعض زمانده نجاست بیر ایسه واتنده اصلاً رایحه کریه اثری اولمازسه حبس ایتمه دن آتی حلال اولور .

وطاوق دخی حبس ایتمه دن کسیله حلال اولور . زیرا آتی تغیر ایدوب رایحه کریه ایله متصف اولماز .

حضرت نبی ذیشان اقدمز طاووق آتی اکل بیوردقلری روایت اولندی . طاووقی حبس ایتک نظافت ایچوندور . کراهتی ایچون دکلدور . (ردالمختار)

وخنزیر سودی امن قوزینک آتی چوق کونلر علف یدکدن صکره و آتی تغیر ایتدکجه حلالدر .

ونجس اولان صو ایله صیواریلان مزروعات اکثر فقها عندنده حرام و مکروه اولماز آنجق حلالدر . (ابن عابدین)

حیوانک نیمه یں اعضالری بیان اولندی . بک اولان قانلر انسانک وجودندن حیوة آقاییان قان ویت و تحته کله سی قانلری و بالغ و کنه دیدکلری کوچک و قیرمزی حیوانک قانی و پیره قانی و حیوان کسیدکدن صکره بوغازنده قالان قان معفودر . لکن آقان قانلر مرداردور . (درالمختار)

(ایام نحر) دنیلن ذی الحجة شریفه نک اوننجی اون برنجی اون ایگنجی کونلرنده فقیر بر قربان آلوب بوغازله دقندن صکره ینه بو کونلرده وقت کچمه دن زنیکن اولسه شیخ فقیه ابو محمد حرمینی (رحمة الله علیه) حضرتلری عندنده برقیون یاخود بر صفرک یدیده بری ایله اعاده لازمدر .

باقی متاخرینه کوره لازم کلز . فقیر حالنده کسدیکی اول سنه قربانی
ایچون کافیدر .

(هندیه ده) عدم لزومی (ردالمحتار) ده لزومی ترجیح و تصریح و تصحیح
بیورلمشدر .

حضرت عایشه (رضی الله عنها) پیغمبر ذیشان افندمزدن روایت ایدوب
بیوردیلرکه { يَا أَيُّهَا النَّاسُ خُذُوا وَطِيبُوا بِهَا نَفْسًا فَإِنَّ سَمِيعَتُ
رَسُولِ اللَّهِ صَلَّى اللَّهُ عَلَيْهِ وَسَلَّمَ يَقُولُ مَا مِنْ عَبْدٍ تَوَجَّهَ بِأُضْحِيَّتِهِ إِلَى
الْقِبْلَةِ إِلَّا كَانَ دَمُهَا وَفَرْمُهَا وَصُوفُهَا حَسَنَاتٍ مُخَضَّرَاتٍ فِي
مِيزَانِهِ يَوْمَ الْقِيَمَةِ } یعنی ای ناس طیب نفس ایله قربان ایدن امتمندن
برکشی قربانیه قبله یه توجه ایلدیمی آنجق اول قربانک قانی ویوکی وحق
قارنی ایچنده کی ترسی حسنات اولوب یوم قیامتده میزاننده حاضر اولوردیمکدر .

﴿ بایرام نمازی ﴾

اصح اولان بایرام نمازی واجیدر . زیرا کتاب و سنت واجماع امت ایله
ثابتدر . اما عید فطرده اصل و وجوبنه دلیل الله تعالی حضرت تهرینه نیک
« وَذَكَرْنَاكُمْ رَبِّهِ فَصَلِّ » قول شریفلریدر .

معنای منیفی جامع شریف یولنده ریدسنگ اسم شریفی ذکر ایدرده
بایرام نمازینی قیلار دیمکدر .

و « وَتُكَبِّرُ اللَّهُ عَلَى مَا هَدَيْكُمْ » نظم جلیلیدر .

معنای شریفی سز بایرام نمازینی قیلک واللهی تکبیر ایله ذکر ایدک
دیمکدر . و افندمزدک « لَا جُمُعَةَ وَلَا تَشْرِيقَ وَلَا فِطْرَةَ إِلَّا فِي مَضَرِّ جَامِعِ »
حدیث شریفیدر . مراد رمضان بایرامی نمازیدر .

اما قربان بایرامی نمازی « فَصَلِّ لِرَبِّكَ وَانْحَرْ » نظم منیفیه ثابتدر .
معنای شریفی : حبیبم (خالصاً لوجه الله) نمازه مداومت ایله و قربان
کس دیمکدر .

یاخود : حبیبم (خالصاً لوجه الله) قربان بایرامی نمازینی قیل و قربان
کس دیمکدر .

واجماع امتله یعنی اولاً حضرت رسول اکرم افندمزدن بو نماز اوزره
دوام ایدوب اصلاً ترك بیورمدقلری کبی اصحاب و تابعین و مجتهدین دخی
ترك بیورمدقلریله ، و اصلاً تركنه مساعده ایتیمهرك اداء اولنمش و الی
یوم القیامه ده اداء اولنمقده بولنمش برعبادت شریف و لطیف اولمسیله ثابتدر .
لکن سنت دینده واردر ، اما حقیقتده بو سنت ایله واجب یننده
مخالفت یوقدر . زیرا سنت ، مؤکده در .

بزم مذهبمزدده مؤکد اولان سنتلر واجب منزله سننده در . ترك ایدنلر
واجبی ترکده اولدینی کبی کنهکار اولورلر .

﴿ بایرام نمازینک شرطلری ﴾

خطبه نیک غیری جمعه نمازنده ثابت اولان شرطلر بولندینی حالده جمعه
نمازی کندیلرینه واجب اولان کیمسه لره بایرام نمازی دخی واجب اولور .
بایرام نمازندن صکره خطبه سنندر . نمازدن اول اوقور ایسه یاخود
ترك ایدرسه نماز جائز اولور . لکن کتولک ایتمش اولور .

خطبه اوندر . بشنده تکبیر ایله باشلانور . برنجی وایکنجی بایرام
خطبه لری و اوچیده حج خطبه لریدر .

وبشنده تحمید ایله باشلانور . (۱) جمعه (۲) استسقاء (۳) نکاح (۴)
کسوف (۵) ختم قران عظیم الشان خطبه سیدر .

نماز اول او قونان خطبه نك نمازدن صكره اعاده سی لازم گلز . بایرام
نمازی وقتنده جنازه حاضر اولسه بایرام نمازی جنازه نمازی اوزرینه و جنازه
نمازی خطبه اوزرینه تقدیم اولور .

﴿ بایرام کونلرنده مستحب اولان شیلر ﴾

(۱) نمازه کیتمه دن مسواک طوتمق (۲) غسل ایتمک .
(۳) رنگی بللی اولمیان برکوزل قوقو سورنمک (۴) کوزل لباسی یعنی
ییقانمش البسه کیمک و بعض علمایه کوره حلال البسه دیمکدر . آنی کیمک .
(۵) پارمغنه یوزوک طاقنمق (۶) بایرام صباحی سرعتله اویانمق .
(۷) سرعتله مسجدده کیتمک (۸) رمضان بایرامنده نمازدن اول صدقه
فطره سی ویرمک .

(۹) رمضان بایرامنده جامع شریفه کیتمه دن لقمه سی تک اوله رق
طاطلی برشی یمک . زیرا (حضرت رسول اکرم) افندمن اوچ یابش یایدی
یاخود بر خورمه اکل بیوررلر ایدی . واکر نمازدن اول برشی یمه سه
آثم اولماز .

(۱۰) قربان بایرامنده فجر صادقک طلوعندن اول اولان وقتدن بایرام
نمازینی قیلنجیه قدر صائم کبی اوروجی بوزان شیلردن کندینی حفظ
ایتمک .

(۱۱) قربانک اتندن افطار ایتمک . (زیرا فخر عالم) افندمن حضرتلری
قربانک جکرندن افطار بیوررلر ایدی . حتی خبرده وارد اولدی که کوچک
چو جقلری یمکدن و ایچمکدن و ایممکدن منع ایدوب اللهم دعوتی اولان
قرباندن افطار ایده لر .

(۱۲) قادر ایسه نمازه یوری یه رک کیتمک . زیرا (نبی) ذیشان افندمن
بایرامده و جنازه ده هیج برشیئه بینمدیلر .

(۱۳) طریقلر شهادت ایتمک ایچون نمازه کیتدیکی یولک غیری دن کلمک .
(۱۴) بشاشت و سرور اظهار ایتمک (۱۵) چوق صدقه ویرمک .
(۱۶) (تقبل الله منا و منکم) دیه رک اقربا و قومشو و احباسنه دعا ایتمک .
(۱۷) مصافحه ایتمک . بونلرک هپسی مستحبدر . بلکه مصافحه بش
وقت نمازدن صكره هر و ملاقی اولدقلری زمان و مکانده سنتدر .

(هندیه ، عنایه ، ابن طابین)

(۱۸) قربان بایرامنده نمازی قیلمغه کیدرکن یولده جهر ایله تکبیر اتفاقاً
جائز و مستحبدر . بعض علمایه کوره مصلایه وارد قده تکبیر کتورمن
و بعض علمایه کوره مصلاده و عشر ذی الحجه ده دخی تکبیردن منع اولنماز .
لکن رمضان بایرامنده امام اعظم عندنده جهر ایله تکبیر کتورمن . اما عبادتده
اصل اولان اخفا اولدیغندن سرأ تکبیر مستحبدر . و امامین عندنده ایکی
روایت واردر . برنده سرأ تکبیر کتورور . و دیگر روایتده جهر ایله
کتورور . بوروایت اظهاردر . و افضل اولان عید اضحاده تعجیل و عید
افطارده تأخیردر . و بایرام نمازدن اول اصلا نافله نماز قیلنماز .

و نمازدن فارغ اولدقدن صكره مصلاده نافله نماز قیلیمق مکروهدر .
لکن اوینه کلدکده اوینده درت رکعت نماز قیلیمق مستحبدر ، (هندیه)
بوذ کر ایتدی کمز عمل خواصی بیاندر . عواملر خیراته رغبتلری آز
اولدیغندن سرأ و جهرأ تکبیر کتورمکدن و بایرام نمازدن اول و صكره
نافله نماز قیلیمقدن منع اولنمازلر .

و رغائب و برات و قدر و تسبیح نمازلری اوزره اجتماع ایدوب قیلسه لر
منع اولنمازلر . زیرا حضرت علی (رضی الله عنه) افندمن برکیسه یی بایرام
نمازدن صكره نافله نماز قیلارکن کوردی (یا امیر المؤمنین) منع ایله دیدیلر .
حضرت علی افندمن جوابنده { أَرَأَيْتَ الَّذِي يَنْهَى عَبْدًا إِذَا صَلَّى }

نظم جلیلی نهایتند و واقع اولان { وَعِیدُ اللَّهِ } تحتند داخل اولمقدن قورقارم
بیوردیلر .

اما خواصلر (تداعی طریق) که اذان و اقامتله جمع اولوب بو مثالو
نوافلری جماعتله قیلمق مکروهدر . و اوقات منہیہده نماز قیلمه لری دخی
منوع و مکروهدر .

✽ بایرام نمازینک وقتی ✽

بلده نك یوكسك و عالی اولان مکانندن باقیلدهده کونش ، طوغدینی
محلدن بر مزراق مقصداری یعنی اون ایکی قاریش قدر چیقوب رنکی
بیاضلاندقده نمازک اول وقتی اولوب آخرو وقتی کون زواله کلنجیه قدردر .
زوال وقتی جائز اولماز .

رمضان بایرامنده عذر ایله بایرام نمازینی ایرتسی کونی زوالنه قدر
تأخیر جائز اولور .

لکن قربان بایرامنده عذر ایله کراہتسنر و عذر سنر کراہتله (ایام نحر) ک
اوچنجی و ایام تشریقک ایکنجی کونی زوال وقتنه قدر تأخیر جائزدر .
اگر نمازک ایچنده ایکن کونش زواله کلسه بایرام نمازی فاسد اولوب
نافله یه منقلب اولور .

✽ بایرام نمازینک صورت اداسی ✽

بایرام نمازینی خطیب ایکی رکعت قیلار . برنجی رکعتده افتتاح تکبیرینی
آلدقندن صکره اللرینی سائر نمازلرده باغلادینی کی کوبکی آلتنه باغلایوب
کیزایجه (سبحانک) اوقور .

صکره ابن مسعود (رضی الله عنه) روایتی اوزره اوچ کره اللرینی
قالدیره رق تکبیر آلیر (ذکر مسنون) اولمدیغندن تکبیرلرک ایکیسندده اللرینی
باغلاماز ایکی یانلرینه صالیوپرر .

وایکی تکبیر آره سندده جماعت چوق اولورسه اوچ تسبیح مقداری
و آ ز اولورسه برویا ایکی تسبیح مقداری سکوت ایله طورر .

اوچنجی تکبیردن صکره اللرینی باغلایوب اصح اقوال اوزره کیزایجه
(اعوذ) و (بسمله) و آشکاره اوله رق (فاتحه) اوقویوب و سوره ضم ایتدکدن
صکره رکوع تکبیرینی آلهرق رکوعه صکره سجده یه کیدر .

سجده لر دن صکره ایکنجی رکعته قالقدقده اول (بسمله) و صکره (فاتحه)
اوقویوب و سوره ضم ایتدکدن صکره اولکی رکعتده اولدینی وجهله اوچ
تکبیر زوائدی دخی آلوب دردنجی تکبیر ایله رکوعه کیدر .

بایرام نمازلرنده سائر نمازلردن زیاده اولان تکبیر آلتیدر . اوچی برنجی
رکعتده اوچی ده ایکنجی رکعتده در . تکبیر اصلی دخی اوچدر بری افتتاح
تکبیری ایکیسی رکوع تکبیرلیدر . مجموعی طقوز تکبیردر .

افتتاح تکبیری فرض برنجی رکعتک رکوع تکبیری سنت و باقی یدیی
واجبدر . زیرا ایکنجی رکعتک رکوع تکبیری واجب اولان بایرام تکبیرینه مقارن
اولدیغندن واجب اولدی . بو ذکر ایتدی کمز ابن مسعود (رضی الله عنه) روایتدر .

بزم مشایخمز بو روایتی اخذ بیوردیلر . ابن عباس (رضی الله عنه)
روایتده بزم مشایخمز عندنده تکبیر زوائد ایکی رکعتده بشردن اوندر .
یاخود برنجی رکعتده بش ایکنجی رکعتده درتدر . بویکی صورتده

تکبیر زوائد ، اصلی اولان اوچ تکبیر ایله جمع ایدیلنجه بایرام نمازینک
تکبیرلری یا اون ایکی یاخود اون اوچ اولور .

امام شافعی یه کوره تکبیر زوائد حضرت ابن عباس روایتده یا اون ایکی
یاخود اون اوچدر . بو صورتده اصلی اولان اوچ تکبیر ایله جمع ایدیلنجه
بایرام تکبیرلری یا اون بشر یاخود اون آلتیشر اولور .

خلفای عباسیه ابن عباس (رضی الله عنه) روایتله حاملر ایدی . امام
ثانی عندنده تکبیرات زوائد اللرین قالدیر منزلر . (عنايه)

﴿ بایرام نمازینہ صکرہ دن کلمہ ﴾

برکیمسه بایرام نمازینہ رکوعده ایریشسه افتتاح تکبیرینی قیامده ایدوب ممکن ایسه زوائد تکبیرلری دخی قیامده ادا ایدر .
واکر قیامده ایریشه مزایسه رکوعه کیدر . رکوعده تکبیرلری اللرینی قالدیرمیه رق ادا ایدر . اکر تکبیرلرک بعضیسنی ادا ایتمه دن امام رکوعدن قالدیویرسه مقتدی امامه تابع اولوب باشنی قالدیرر . باقی قالان تکبیرلر ساقط اولور . اکر امامه رکوعدن صکره قومده ایریشسه برنجی رکعتی تکبیرلریله برابر قضا ایدر .

بایرام نمازینہ ایریشه مهین کیمسه لر هر نه قدر وقت کچمدی ایسه ده قضا ایتمز لر . امام شافعی حضرتلری بایرام نمازینی ادا ده جماعت واذن سلطانی شرط دکلدر . برکیمسه یالکز اوله رق بایرام نمازینی ادا ایده بیلور بیوردیلر . برکیمسه ابدست آنجهیه قدر امام بایرام نمازندن فارغ اوله جغندن یاخود کونش زواله کله رک نمازک فوت اولسندن قورقسه صووار ایکن تیم ایدوب بایرام نمازینی قیلار .

وجنازه نمازنده ابدست ایله مشغول اولسه تکبیرلرک هپسنک فوت اولسندن قورقسه تیم ایله قیلمق جائز اولور .

بایرام نمازنده وجمعه ده وسائر فرض نمازلرده وسنترلرده امام سهو ایدوب واجبی تأخیر یاخود ترک ایلسه ویاخود فرضی تأخیر ایلسه ظاهر روایتده کافه سندن « سجده سهو » لازم کلور .

لکن جمعه وبایرام نمازی کبی جماعت چوق اولان نمازلرده ناس فتنه ده واقع اولسون ایچون علمای متأخرین عندنده مختار اولان (سجده سهو) ک عدم لزومیدر . یعنی جاهلر نمازده برشی زیاده ایدلش اولمق توهم ایدوب فتنه احداث و اظهار ایتسونلر دیو جماعت چوق اولان نمازلرده سجده سهوی ترک ایتمک الی واحسندر . (دالمختار)

امام بایرام نمازندن صکره ایکی خطبه او قویوب وایکسنک آراسنده «جلسه خفیفه» ایدر یعنی آزاچق او طورور . لکن اذانه انتظار ایدلیه جکندن منبره حیقنجه او طورمز .

و رمضان بایرامنده خطبه بی تکبیر و تسبیح و تهلیل و تحمید و صلوات شریفه ایله او قور . وناسه صدقه فطرک احکامنی بیلدیرر .

یعنی «عَلَى مَنْ تَجِبُ وَلِمَنْ تَجِبُ وَمَنْ تَجِبُ وَكَمْ تَجِبُ وَمِمَّ تَجِبُ» یعنی کیمه واجب اوله جغنی وکیملرایچون ونه زمان ونه مقدار ونه دن ویرمک واجب اوله جغنی اول خطبه ده بیلدیرر دیمکدر .

قربان بایرامنده تکبیر و تسبیح ووعظ ناس ایله او قور و قربانک و قربان کسمه نک احکامنی و قربانی بیلدیرر . خطبه اولی بی طقوز و ثانی بی یدی تکبیر ایله فتح مستحبدر . و خطبه ده تکبیر تشریق دخی بیلدیرر . (هندیه)

﴿ تکبیر تشریق ﴾

تکبیر تشریق اصح اولان واجیدر . سنت دینده واردر . وجوبنک دلیلی { وَادْكُرُوا اللَّهَ فِي أَيَّامٍ مَعْدُودَاتٍ } { وَيَذْكُرُوا أَنَّمَا اللَّهُ فِي أَيَّامٍ مَعْلُومَاتٍ } آیت جلیله لیدر .

امام اعظم عندنده تکبیر کتوره جک کیمسه مقیم اولمق و مصرده بولمق و تکبیری فرض نمازلرک عقیبنده کتورمک و نماز جماعته قلنمش اولمق شرطلریله مشروطدر . وسکز وقتده تمام اولورسه ده فی زماننا عمل وفتوی امامین قولنده در . اما تکبیرک عددی بردر . وهیئت (الله اکبر الله اکبر لا اله الا الله والله اکبر الله اکبر والله الحمد) دیمکدر . (الله اکبر الله اکبر) لفظ شریفنی ابراهیم علیه السلام اسماعیل علیه السلامی ذبحده عجله ایتسون ایچون جبرائیل علیه السلام

بیور مشدر . ابراهیم علیه السلام بولفظ شریفی ایشته کده (لا اله الا الله والله اکبر)
بیوردی . اسماعیل علیه السلام فدائ ذبحی بیلنجه (الله اکبر والله الحمد)
بیوردی .

بوتکییرک اول وقتی عرفه کوننک صباح نمازینک عقیبیدر . و آخر
وقتی امامین عندنده ایام تشریقک آخر کونی که ذی الحجه شریفه نک اون اوچنجی
کونی ایکندی نمازینک عقیبیدر .

(ایام نحر) اوچ کون و (ایام تشریق) دخی اوچ کون و (ایام تکیر)
بش کوندر . مجموع تکیر یکرمی اوچ وقتده تمام اولور .
اشبو یکرمی اوچ وقتده تمام اولور .

اشبو یکرمی اوچ وقتده هر کیمک اوزرینه بش وقت نماز فرض ایسه
اول کیمسه اوزرینه فرض نماز لدن سلام ویردیکنده آراسنی آیرمیه رق
تکیر واجب اولور .

امام ، مقتدی ، مسبوق ، لاحق ، منفرد ، مسافر ، رجل . اسراء ، مصری ،
قروی کلیسی مساویدر .

همان صول طرفنه سلام ویرنجه یرندن قالمه دن و مسجد دن چیقمه دن
ودنیا کلامی سویله مدن تکیر کتورمک لازمدر . کتورمسه آثم اولور .
اگر تکیر کتورمه دن مسجد دن چیقمه یا خود قصداً و یا سهواً کلام سویلسه
یا خود قصداً آبدستی بوزسه تکیر ساقط اولور . لکن سلامدن صکره سهواً
آبدستی بوزسه اصح اولان تکیری آبدست آلمادن کتیرر .

(در المختار)

ولکن (داماد) ده صحیح اولان آبدست آلدن صکره کتیرمکدر .
بایرام نمازندن صکره تکیر واجب دکلددر . بلکه بعض علمایه کوره مستحبدر .
عامه امصارده و کافه اعصارده اعتماد عمل و فتوی تکیر تشریق حقنده
امامین قولنده در . واحتاط دخی بونده در . (هندیه ورد المختار)

﴿ تمه ﴾

اصح اولان ذی الحجه شریفه نک عشر اولنده طراش اولمق و طرناغنی
کسمک وسائر نظاقلری اجرا و احیا ایتک جائزدر . زیراسنتک وقتی کلدکده
تأخیر اولماز .

و افضل اولان سکز کونده و یا خود اون بش کونده بر کره طرناقلری
و یقلری کسمک و سنت محلی و قولتو قلری تمیزله مک و جمله وجودینی
بیقایه رق تنظیف ایتک لازمدر .

ا کر قرق کونی تجاوز ایدرسه مانع اولمیه رق تأخیر ایدمش ایسه عذر
قبول اولماز کنه کیره ایشله مش اولور .

لکن « إِذَا دَخَلَ الْعَشْرُ وَأَرَادَ بَعْضُكُمْ أَنْ يَضْحَى فَلَا يَأْخُذَنَّ
شُغْرًا وَلَا يُقْلِمَنَّ ظُفْرًا » حدیث شریفی منطوق منینی اوزره احرامده
اولان حجاجه تبعاً و تشبیهاً و تعظیماً قربانی اولان کیمسه لر عشر ذی الحجه ده
یعنی ذی الحجه آیتک ایلک اون کونده قربانی کسنجه یه قدر طرناق و بیق
وصقالنی وسائر تویلری کسمیوب و طراش اولما ملیدر .

قربانی کسدکن صکره احرامدن چیقارکی طراش اولمق و طرناقلری
کسمک امام شافعی و مالکی (رحمهم الله) مذهب لرنده « مستحب » امام حنبلی
مذهب بنده « واجب » و امام اعظم مذهب بنده ظاهر اولان مباحدر . مستحب
و مکروه دینلرده واردر . (ردالمحتار ، وحدتی و غیرها)

و حجاجک عرفانده وقفه لری جمعه کونه تصادف ایدرسه (حج اکبر)
اولوب یتمش حج ثوابنه نائل اولور لر .

و جمله حجاج بلا واسطه عفو و مغفرت اولنور لر . و بعض علمایه کوره
حجاجک غیریبی دخی عفو اولور .

واكر وقفه جمعه كونك غيرى بر كونه تصادف ايدرسه بعض حجج
 بلاواسطه وبعضيلرى واسطه ايله عفو اولورلر . يعنى حجى مقبول
 اولانلر بلاواسطه و حجى مقبول اوليانلرده آنلرك شفاعتلىله عفو
 ومغفرت الهيهيه مظهر اولورلر ومن الله التوفيق والحمد لله
 على التمام والصلاة والسلام على بدرالانام وعلى
 * آله واصحابه البررة الكرام *

١٣٢٥

صحيقه

٣	بيان الاضحية
٣	احكام قربان
٥	قربان واجب اولسنك شرطلى
٦	قربان نصابى
٨	قربان ايديله جك حيوان
٨	قربانه مخصوص حيوان
١١	افضل اولان قربان
١١	قربانه مانع اولان واوليان عيبلر
١٧	قربان وسائر حيوانى كسمه سى
	حلال اوليان كيسه لر
١٩	كسدكي حلال اولان انسانلر
٢٣	كسيله جك طمرلر
٢٥	حيوان كسيله جكى وفتده ديرى
	وياخود اولمش اولديغنى بيلمك
٢٥	آلت وكيفيت ذبح
٢٧	قربانك مستحبلىرى
٣١	قربانى كسدكدن صكره مستحب
	اولان شيلر

صحيقه

٣٢	قربان اتينك تقسيمى
٣٥	اتى يينمه ين قربانلر
٣٧	عقيقه ناميله كسيلن قربان
٣٨	مسائل متفرقه
٤٢	قربان دريسنك حالى
٤٣	قربان كسمه نك وقتى
٤٦	تتمه
٤٧	مسائل متفرقه
٥٢	بايرام نمازى
٥٣	بايرام نمازينك شرطلى
٥٤	بايرام كونلرنده مستحب اولان
	شيلر
٥٦	بايرام نمازينك وقتى
٥٦	بايرام نمازينك صورت اداسى
٥٨	بايرام نمازينه صكره دن كاسه
٥٩	تكبير تشرىق
٦١	تتمه